





墓銘舉例姓氏目錄

卷之一

韓文公

六十六首

李文公

九首

柳河東

二十七首

卷之二

歐陽文忠公

三十一首

尹河南

七首

曾南豐

十八首

王荆公

三十三首

蘇文忠公

九首

朱文公

二十首

卷之三



陳后山

三首

黄山谷

二首

陳了齋

七首

晁濟北

四首

卷之四

張宛丘

三首

呂成公

三首

凡為文章務求得手心之所安與其義之所止若例非所重然志銘為史之餘工近前是翹想班輸知夫稱美發德與人以千秋者耶止仲所舉雖傷繁碎亦古曰在昔曰先民之意多者沈潜及復於是庶幾無個規矩而改錯矣

墓銘舉例目錄終

墓銘舉例卷之一

長洲王行止仲



沈氏大成有墓誌
卷問二則為吳生
所作見多福齋
文集釋者卷二十
凡八條一古碑行款
書於二書換人合葬
書丹銜稱三塲葬
庶母守節附書四
庶母生墳別為一
五生祖母後簡書
治葬承重孫六庶
祖母喪婦出孫不
列簡七塲無主八倫
生祖母及考妣繼母
庶母同葬法文共四葉
應錄前墓銘誌例
及禮禮通攷卷中
一文兩人共為之見王
西在賦術編卷十以
為止仲所求及

凡墓誌銘書法有例其大要十有三事焉曰諱曰字曰姓
氏曰鄉邑曰族出曰行治曰履歷曰卒日曰壽年曰妻曰
子曰葬日曰葬地其序如此如韓文集賢校理石君墓誌
銘是也其曰姓氏曰鄉邑曰族出曰諱曰字曰行治曰履
歷曰卒日曰壽年曰葬日曰葬地曰妻曰子其序如此如
韓文故中散大夫河南尹杜君墓誌銘是也其他雖序次
或有先後要不越此十餘事而已此正例也其有例所有
而不書例所無而書之者又其變例各以其故也今取韓

文所載墓誌銘錄其目而舉其例于各題之下神道碑銘亦舉之又于李文公柳河東二家之文拔其尤以附于後用廣韓文之例焉

韓文公文六十六首

墓誌銘五十三首

墓碣二首

殯表一首

神道碑銘十首

集賢院校理石君墓誌銘

右誌正例書也

故中散大夫河南尹杜君墓誌銘

右誌正例書也詳書世胄重其族之大也又一例

也

太原參軍苗君墓誌銘

右誌正例書也書季子生卒後紀實也不舉以為例以非嫡長之重也

國子助教河東薛君墓誌銘

右誌正例書也

唐故江西觀察使韋公墓誌銘

右誌正例書也詳書兩娶之父祖兩娶皆先卒故于此見焉又一例也

唐正議大夫尚書左丞孔公墓誌銘

漢魏題皆簡古可法唐人則變古開新然唐人於題皆各有意致故所以顯其文者亦不苟多者所宜識也今為標別出之

書故而冠以代者大太朝之義也

墓書其官簡也

書官又書望唐重望也且著別也

書故冠以代與世之實也

書清冠以代其人以為一代有無也不書故省又也

右誌正例書而稍變也

唐故昭武校尉守左金吾衛將軍李公墓誌銘

右誌不書姓宗室也元配書遠祖顯也又一例也

兩娶析書其子女又一例也 凡不書姓宗室

也名門也鉅族也貴戚也顯家也五者人所習

聞而易知也五者之外又有已見于題而不書

者蓋題實文之綱文固題之目綱既舉之在目

有可畧之理此又不書姓之通例也然畧其姓

者其序族出多詳焉

中大夫陝府左司馬李公墓誌銘

右誌不書姓宗室也

唐故秘書少監贈絳州刺史獨孤府君墓誌銘

右誌不書姓名門也書妻之父祖顯也

柳子厚墓誌銘

右誌不書姓名門也書子不書妻畧也子厚初娶

楊憑女先十七年卒無子不果再娶子蓋微出

也又一例也題不書官其字重於官也又一例

也

唐故河南令張君墓誌銘

右誌不書姓名門也卒不書日畧也 凡誌一作之

書于國故也

志銘為萬世無窮之
意習聞易知止於此
代不可為例

書信而不冠以故与
代

書贈以書者君看看
之義也口誦人碑錄
府公以君君天孤刺史
太守內故更稱之以著信
為例不不不
身書字相友書字之
例不不不不不不不不
也也也也也也也也也
者之事也

所畧者以非所重也如書諱而不書字書卒而不書日書葬而不書地之類又一例也

號州司戶韓府君墓誌銘

右誌不書姓名門也諱而不字畧也詳其父而畧其身又一例也

唐故朝散大夫商州刺史除名徙封州董府君墓誌銘

右誌不書姓顯貴家也詳叙其弟賢之也又一例也

唐故檢校尚書左僕射右龍武軍統軍劉公墓誌銘

右誌不書姓顯貴家也書其子曰學于樊宗師重紹述也又一例也

殿中少監馬君墓誌銘

右誌不書姓顯貴家也不書字卒不日葬不日不地不書妻重在叙其世舊故畧也無銘詩亦畧也然銘亦不必皆詩文即銘焉耳又一例也

處士盧君墓誌銘

右誌不書姓畧也書子不書妻或未娶也不然同柳子厚誌例也

故江南西道觀察使贈左散騎常侍太原王公墓誌銘

右誌不書姓畧也特書母郡氏贈號又一例也

書既徙紀實也

此賜死而不書

書公尊也

書處士

書贈無書望

唐故朝散大夫尚書庫部郎中鄭君墓誌銘

右誌不書姓畧也書母氏因事也析書兩娶之子
女同昭武校尉李公誌例也

崔評事墓誌銘

右誌不書姓畧也書子而不書名亦畧也誌中多
有之而不舉者不足以爲例也

故幽州節度判官贈給事中清河張公墓誌銘

右誌卒不日畧也書妻之父祖以妻之孝順祇修
故詳其所自出又一例也

唐故朝散大夫越州刺史薛公墓誌銘

右誌書母氏因事也姓見銘詩中又一例也

河南少尹裴君墓誌銘

右誌姓見銘詩中同越州刺史薛公誌銘例也

施先生墓誌銘

右誌不書字葬不日畧也有子而書其寮買石誌

其墓雖紀實又一例也前既書韓一作諱某爲之辭

曰云云後又書系曰云云則所謂辭者誌也所

謂系者銘也。不曰銘而曰系又一例也。世系鄉

邑葬地見銘詩中又一例也。題不書官而書先

生從諸生之稱也又一例也

書官冠以姓略也

書其先生

考功員外盧君墓銘

右誌不書字卒不日畧也書妻之父祖妻同葬也無銘詩亦畧也此合葬誌也誌載夫人內德并及其父祖而題不書合葬此正例也無銘詩而題曰墓銘又一例也

襄陽盧丞墓誌銘

右誌不書字卒不日無銘詩畧也官則連父祖之官書于誌中諱又連父祖之諱書于誌末又一例也

試大理評事王君墓誌銘

右誌不書字畧也

故太學博士李君墓誌銘

右誌不書字不書族出無銘詩畧也重在論服食而致誠也又一例也

登封縣尉盧殷墓誌銘

右誌不書字不書族出無銘詩畧也題書其名又一例也

唐故河南府王屋縣尉畢君墓誌銘

右誌不書字畧也

故貝州司法叅軍李君墓誌銘

書名而冠以其官

書試存故國也

書官而銘以姓間

右誌遠書世系而不書父不書壽年卒不日無銘
詩畧也重在紀其世著其德識其葬也舉三綱
而後目之又一例也曰壙曰墳曰窆各謹書其
日又一例也

李元賓墓誌銘

右誌不書族出卒不日葬不日不書妻子客葬畧
也云書石以誌則非刻石也雖紀實又一例也

南陽樊紹述墓誌銘

右誌卒不日葬不日不地不書妻子重在論其文
故畧也題不書官同柳子厚誌例也

興元少尹房君墓誌銘

右誌卒不日畧也

唐故虞部員外郎張府君墓誌銘

右誌書母封因事也卒不日葬不日無銘詩畧也

韓滂墓誌銘

右誌卒不日葬書既斂七日而不書其日畧也

鳳翔隴州節度使李公墓誌銘

右誌書母封氏因事也書妻之父祖以妻賢有法
度故詳其所自出同幽州節度判官清河張君

誌例也

書字又書望有名

但書名不官不字

妻賢詳其所自出
不賢則不詳所以
勸婦順昭女美也

殿中侍御史李君墓誌銘

右誌書母氏因事也

貞曜先生墓誌

右誌書母氏因事也題不書官與姓而書先生從

謚者之志尊之也又一例也

河南少尹李公墓誌銘

右誌特書母郡氏同江南西道觀察使太原王公

誌例也書妻之曾祖以其有大名且妻同葬也

而不及其父畧也

唐故國子司業竇公墓誌銘

右誌詳叙其兄弟所歷官以其皆有才名又一例

也世系見銘詩中同施先生銘例也

唐朝散大夫贈司勳員外郎孔君墓誌銘

右誌詳書叙其兄弟同國子司業竇公誌例也

唐河中府法曹張君墓碣銘

右碣書妻之父祖以其世有衣冠且因妻之辭以

銘故詳其所自出同幽州節度判官清河張君

誌例也無銘詩畧也

清河郡公房公墓碣銘

右碣卒不日葬不日不地畧也書子不書妻或未

書私諡而不官不

位不官而以公尊之

書爵簡也

娶也不然同柳子厚誌例也

監察御史元君妻京兆韋氏夫人墓誌銘

書私諱而不官不姓
書夫官書族望
書以書夫人詳也

右誌書母之父祖顯也又一例也書夫之履歷誌
一作論婦人之通例也子女見銘詩中又一例也

息國夫人墓誌銘

但不官而以公尊之
二尊也
書封不以顯也公國封
婦人之極遇也

右誌不書諱婦人重在姓故或畧之也又一例也
銘書其夫男女七人而惟叙夫人所生之男女
詳嫡而畧庶又一例也題書封而不書氏榮其
封也又一例也

楚國夫人墓誌銘

非國封而不氏郡二尊
封也

右誌銘不書諱題書封而不書氏同息國夫人誌
例也世系見銘詩中同施先生銘例也

扶風郡夫人墓誌銘

右誌銘不書諱題書封而不書氏同息國夫人誌
例也卒不日葬不地畧也

河南緱氏主簿唐充妻盧氏墓誌銘

書夫名著別也書以
不書夫人大官卑無
封故也

右誌書母氏因事也題書其夫名又一例也

四門博士周况妻韓氏墓誌銘

右誌書母氏因事也卒不日葬不日
一云卒葬
皆不日畧也

題書其夫名同緱氏主簿唐充妻盧氏誌例也

書所乳之名示所以銘也且有銘則顯之也

書女書名未嫁之詞也施之早知而宜者也

先書夫人後書氏

書名賤也世所敘述非賢也銘之義稱美而不稱惡雖不賢而不可賤也告慰之可也

書具夫之官与姓又書夫人

別書四字字間也官階顯爵不勝書則其重也

河南縣令韓愈乳母李氏墓誌銘

右誌不書族出微也又一例也無銘詩畧也臨邛

韓氏曰葬乳母而為之銘自公始也又一例也

女孥壙銘

右題書壙銘又一例也

河南府法曹叅軍盧府君夫人苗氏墓誌銘

右誌序畧而銘詳又一例也

試大理評事胡君墓銘

右銘無序又一例也

盧渾墓誌銘

右銘無序同大理評事胡君銘例也銘惟吉當作告慰

之辭無所序述又一例也題書其名非例也適

其可也

施州房使君鄭夫人殯表

右表實銘詩也銘宜詩而墓表一作銘有用文者表宜

文而此表乃用詩焉皆變例也殯而有表又一

例也

曹成王碑

右碑不書卒日葬日不書妻畧也凡墓碑皆立

于既葬之後如此碑之立王薨已二十五年蓋

葬時已自一無有誌矣故特書其大者耳大者謂世系也名行也功業也

唐故相權公墓碑

右碑正例書也官位爵謚也所宜詳焉此墓碑之例也

唐銀青光祿大夫守左散騎常侍致仕上柱國襄陽郡王

平陽路公神道碑銘

右碑正例書也
司徒兼侍中中書令贈太尉許國公神道碑銘

右碑正例書也書母氏封因事也書母之兄以少

依舅氏故也題書官封而不書姓又一例也

唐故河東節度

一本此下有使字

觀察使滎陽鄭公神道碑文

右碑正例書也書母郡氏因事也銘而曰系同施

先生銘例也不用詩而議論以感歎焉又一例

也

唐故江南西道觀察使中大夫洪州刺史兼御史中丞上

柱國賜紫金魚袋贈左散騎常侍太原王公神道碑銘

右碑正例書也凡神道碑銘與墓誌銘有不同

者墓誌銘宜簡而要神道碑銘宜雅而詳以太

原王公神道碑銘與太原王公墓誌銘劉統軍

書代書故書官書公簡也亦詳也姓配公而尤著只以為一代有無者也

唐銀青光祿大夫書信書官書勳書望而書致仕又書封爵馬紀實也書之尤詳者也

書官書贈書爵而不書姓顯也

書官情勳爵而文書恩詳也

碑與統軍劉公墓誌銘考之可見也

劉統軍碑

右碑詳書階官封爵食邑贈官于叙事之首以其所終者始之所以侈其榮也又一例也而銘詳序畧序所宜叙者銘中銘之又一例也

李文公文九首

墓誌銘七首

神道碑二首

唐故福建等州都團練觀察處置等使兼御史中丞贈右散騎常侍獨孤公墓誌

右誌不書姓名門也書父謚而不書諱又畧例之

變也云未仕而夫人卒則妻卒幾二十年矣而書子生九歲則子蓋微出也又一例也比韓文柳子厚誌例此尤著明也

故處士侯君墓誌

右誌不書族出壽年卒日葬日不書妻無銘詩畧也重在叙其意氣文辭也君嘗仕矣而題書處士者蓋三縣皆攝仕猶不仕不足以免其高也又一例也

兵部侍郎贈工部尚書武公墓誌

右誌既書丁尊夫人憂再期服除又書母夫人暴

書等統詞也意所簡也

書子之義以書有代也義係於父也微出之子不書世重編也示微不取有其子也

畧其官不書處士作者之特筆也

卒則所謂母夫人蓋其生母也按韓文墓誌無書生母者而此書之又一例也然亦因事非特書也

故河南府司錄參軍盧君墓誌銘

右誌不書姓名門也書卒日而不書年書葬而不書日畧也

叔氏墓誌

右誌序畧而嚴重在書其葬日也書于茲而不書其地即其地以實之也又一例也銘惟哀其野殯與慰其客葬之辭無所叙述同韓文盧渾誌

例也

故懷州錄事參軍武氏妻傅氏墓誌

右誌不書諱同韓文息國夫人誌例也無銘詩權葬畧也題書其夫不曰君而曰氏又一例也

故朔方節度掌書記殿中侍御史昌黎韓君夫人京兆韋氏墓誌銘

右誌書夫人姓京兆韋氏冠姓氏一作字于鄉邑之上而以氏次之又一例也不書諱同武氏妻傅氏誌例也書弗克祔于夫之族而依于女子氏之黨紀實也然非禮也故曰權道也且將有待也

不氏同姓故也不名為尊諱也

書夫氏

既書其夫之望又書婦族為唐人重門閥合以著其兩姓之好也

又一例也

書官与爵与贈而冠以勳二重也

唐故特進左一作右領軍衛上將軍兼御史大夫平原郡王贈司空柏公神道碑

右碑葬不日畧也

官階勳爵既備書矣又書其邑戶焉詳之又詳也題詳而文則略非褒也

唐故橫海軍節度齊棣滄景等州觀察處置等使金紫光祿大夫上柱國貝郡開國公食邑二千戶贈左僕射傅公神道碑

右碑題書官階勳爵甚詳而序多畧又一例也蓋

題為綱文為目綱既詳之而目則畧者嫌于辭之繁也其綱舉其要而目致其詳者如韓文唐

故河東節度觀察使滎陽鄭公神道碑文之類是也然綱畧而目詳者其常綱詳而目畧者其變故曰又一例也 按神道碑其題有二有碑額之題有碑文之題碑額之題簡碑文之題詳

蓋既題其額又題其文也故韓文有錄其碑額之題者有錄其碑文之題者碑額之題如曹成王碑劉統軍碑之類碑文之題如唐銀青光祿大夫守左散騎常侍致仕上柱國襄陽郡王平陽路公神道碑銘唐故江南西道觀察使中大夫洪州刺史兼御史中丞上柱國賜紫金魚袋

贈左散騎常侍太原王公神道碑銘之類是也
 若蘇文忠公所謂碑身上更不寫題古一作右制如
 此又謂碑只用大額向下小字直寫文辭不須
 寫題目者施于宸奎閣碑與經藏碑耳非謂墓
 碑也公又嘗與人簡云墓表小字亦有題目額
 上不當復云墓表故別寫四大字也以此推之
 墓碑用兩題可見矣 墓碑銘始于漢洪适隸
 釋所載俱有額無題惟樊安碑首行有題無額
 額字有多至二十餘字者題額之簡非例也既
 題額又題文亦非例也文忠實通言之耳別寫

四大字者變也

柳河東文二十七首

墓誌銘一十三首

墓碣二首

權厝誌三首

誌殯一首

續墓誌一首

墳記一首

墓甄記一首

墓誌石蓋文一首

墓表二首

墓版一首

神道表一首

唐故邕管經畧招討等使朝散大夫持節都督邕州諸軍
 事守邕州刺史兼御史中丞賜紫金魚袋李公墓誌銘

書使

右誌世系用宗法書以其代有土田也又一例也
故試大理評事裴君墓誌

右誌三代以昭穆書又一例也書未果娶而書男
子二人女一人則男女微出也又一例也此韓
文諸不書妻例此尤著明矣

故秘書郎姜君墓誌

右誌不書妻而書子某母曰雷姬此墓誌中書妾
媵例又正例之再變也

故襄陽丞趙君墓誌

右誌叙其履歷甚畧重在書其子之協卜而得殯
所以著其孝感也

單季子墓銘

右銘例所宜有皆畧之重在序其著書與歎其不
顯也

東明張先生墓誌

右誌不書字不書壽年書卒之歲月而不日畧也
按韓文無書生者此書生天寶又一例也然因
其命弟之辭又不著其歲非特書也題繫其所
居而書先生非例也學黃老者之常稱也

箏郭師墓誌

此用漢書例詳也非
例也非例而可以為例
者也

書次

書所居

書所業

右誌序之所叙重在其善音也壽年葬日見銘詩中同韓文施先生銘例也書其藝于題之端又一例也

亡友故秘書省校書郎獨孤君墓碣

右碣詳記其友之知名者于後與先君石表陰先友記同意又一例也無銘詩畧也題書亡友以表之又一例也

故御史周君碣

右碣惟叙其以諫而死一事此所謂立石者也他非所重故多畧也

先太夫人河東縣太君歸祔誌

右誌銘其母之葬也無銘詩非畧也不忍詩而銘之也又一例也題書歸祔又一例也

伯祖妣趙郡李夫人墓誌銘

右誌不書諱同韓文息國夫人誌例也既叙其世系族出矣又書其夫之世系族出特加詳焉蓋婦人以從人爲貴內夫家故叙夫姓爲尤備又一例也

叔妣吳郡陸氏夫人誌文

右誌書諱又書字正例之備者也不書其夫之諱

書誼

書稱謂書歸祔

書稱謂

墓銘例
蓋已表其墓而書之矣故誌末云恭惟仲父之
諱與夫人之爵齒備于版文今不書懼再告也
然韓文誌婦人亦不皆書其夫之諱則又其通
例也無銘詩畧也

朗州員外司戶薛君妻崔氏墓誌

右誌詳書其夫之世系族出同伯祖妣趙郡李夫
人誌例也先書其夫之他姪子男某女某後書
其子男某女某所以別先後明嫡庶也又一例
也

趙羣秀才墓誌

右誌銘而不序同韓文試大理評事胡君銘例也
題書其名雖非例亦韓文盧渾墓銘之類也

故永州刺史崔君權厝誌

右誌既書二孤溺死又云今尚有五丈夫子則子
蓋七人也而惟二孤書名權厝畧也族出諱字
壽年見銘詩中同箏郭師誌例也權厝有誌又
一例也

故連州員外司馬凌君權厝誌

右誌不書族出不書壽年不書葬日權厝畧也
誌從父弟宗直殯

右誌卒不書日而云元和十年七月病又云是月

二十四日殯死七日矣以七日與二十四日推

一作權之則卒日可見矣又一例也誌某人殯又一

例也

續榮澤尉周

當作崔

君墓誌

右誌題書曰續蓋以續太傅崔

集無崔字

祐甫之辭也故

惟叙其緩葬之故與著其終事之年月日而他

不之及也

按韓李文無所謂續誌者而此有

焉又一例也無銘詩非畧也無所事于銘也又

一例也

書亡姑言曰權厝

亡姑渭南縣尉陳君夫人權厝誌

右誌不書諱同伯祖妣趙郡李夫人誌例也特書

母郡氏同韓文故江南西道觀察使太原王公

誌例也無銘詩畧也

韋夫人墳記

右記云祔而不合大葬未利以俟蓋實權厝誌也

其辭甚畧而惟詳其塋之年月日又一例也題

書墳記又一例也

小姪女子

一無子字

墓甄記

右記實銘詩也而無序同趙羣秀才誌例也題書

書續志

書墳記非大葬也志必遷也

未嫁例不字也無名故不名也

書蓋石猶之碑陰
銘陰也

墓甄記又一例也

亡姊崔氏夫人墓誌蓋石文

右文云敢附碑陰之義假蓋石以書其辭則非正例也其為婦為妻為母之道良人既為之誌而銘之矣故惟叙其自知幼以至于笄之一作誌為女之道焉又一例也

唐故給事中皇太子侍讀陸文通先生墓表

右表議論以發其端而叙為春秋之學者互相排詆所以歎聖人之難知而著其春秋集註為有功也又一例也畧其履歷者非所重也 按此

漢人三石柱以表
墓而刻文於其柱
此其例也

故宏農令柳府君墳前石表辭

例蓋以其所專重者不可不詳故于其不必兼詳者不得不畧又畧例之大者也韓文凡四殿中少監馬君誌太學博士李君誌云云見補闕

右表詳序其大墓昭穆之位又一例也書妻之父

祖妻同葬也

故叔父殿中侍御史府君墓版

右名一作書墓版其實表也首叙世系同韓文諸神道

碑例也其叙德履云其在閨門也其在公門也則綱而目之云修己之大經也從政之大畧也

書墓版

孝如方輿公文如吳興守正如衛太史清如魯士師則目而綱之又一例也

先侍御史府君神道表

右表首叙世系同叔父府君墓版例也曰神道表

又一例也表陰記其先友自袁高至張宣力凡

六十七人其末書云先君之所與友凡天下善

士舉集焉信讓而大顯道博一作傳而無襍今之世

言交者以為端敢悉書所尤厚者附茲石以銘

于背同亡友獨孤君碣例也蘇文忠公云先友

六十七人考之于傳卓然知名者蓋二十人焉

邵太史云子厚欲著其父雖不顯所交游者皆

天下善士故列其姓名官爵云

右唐文三家凡九十八首七十二例

按墓銘一作誌不始于唐而今舉唐人以為例者何

也以八代之衰又不足以據也夫銘者論撰其

先祖之有德善功烈勲勞慶賞名聲以列于天

下者也雖銘之義稱美而不稱惡以盡其孝子

孝孫之心然無美而稱之是誣也八代之文靡

矣其能免于誣乎若韓子其文與史遷相上下

而理則過之其所論撰得其正矣今不取之以

非例止於此也漢魏六朝年代在先文非不古也不可以為法則不例也

為法將何所法哉既取韓文以為法非李柳之
文又無可以附于韓此所以舉三家以為之例
也

此自攷訂之說與人之遺魏家金石簿唐以後文為無足觀薄宗以後人為孤陋寡聞而文律且
薄然矣文章之用莫盛於唐以唐為本則上收漢魏下取宋元凡其不足法者不必例而文已不可
勝用矣此非驚博廣侈之事止以嚴潔為義者也

墓銘舉例卷之一終

墓銘舉例卷之二

長洲王行止仲

文自東漢之衰更八代而愈下至唐韓文公始振而起之
以復于古焉韓文公既為之倡同時和之者惟李文公柳
河東而已後二百年至宋之盛始復得穆參軍蘇滄浪歐
陽公尹河南相與涉而繼之而歐公其傑然者當時文風
實為之變從而和之者日以浸盛而南豐曾氏臨川王氏
眉山蘇氏出矣南渡以還斯文之任則在考亭焉今墓銘
一作誌既舉韓文為之例而間取李柳之文廣之矣故復取歐
公而下數公之文之尤粹者附于後蓋以廣三家之例也

韓以前三可以為例
者秦漢石刻即昌黎
碑版所從來晉宋之文
二時有法故韓以前文
不可以例言而實例之所
出耳韓柳之外若元結
孫樵劉禹錫亦皆一或
家者非是南澠孤
一派諸雜家可必柳仲
查實存穆穆穆諸人之
先同時若劉禹錫又實
實能自拔於歐曹王
籟之外未可以都官視
之亦非子美伯長比也南
渡後當以羅頤鄂州
小集為最
南宋後又家如蘇如葉
其必不可廢者元道
實道固姚牧庵三家
其間契丹詩家百語
曾名地名人名非此無

例無後居今日而言又
自不能專用韓歐法
書之
明自宋金華以後各
有初作如震川是序百
人無是文而今日有是
休部亦何能無取於宋
之季畢仲游實能誌
起歐曹之法風

歐陽文忠公文三十一首

墓誌銘一十八首

墓碣一首

石槨銘一首

墓表三首

阡表一首

神道碑銘六首

塔記一首

鎮安軍節度使同中書門下平章事贈中書令謚文簡程

公墓誌銘

右誌特書三代妣氏封按唐三家墓誌無書三代

妣者而公多書之又一例也

張子野墓誌銘

右誌特書三代妣氏封同文簡程公誌例也題不

書官以其魁傑賢豪位不足以稱其才志同韓

文柳子厚誌例也

尚書都官員外郎歐陽公墓誌銘

右誌三代皆以廟室書又一例也

資政殿學士尚書戶部侍郎簡肅薛公墓誌銘

右誌序首既正書三代贈官已序末復舉之而詳

三代妣氏之封焉又一例也

太子太師致仕杜祁公墓誌銘

右誌首書其世系之詳者以春秋諸侯之子孫歷

書姓志以遺貽後世
非以書官時不取不
書也

書誦而簡

冠姓於爵之簡也

雖同姓為父亦有不書姓萬世之慮也

秦漢千有餘歲不絕其世譜而唐之盛時公卿家法猶存于今者惟杜氏同韓文故中散大夫河南尹杜君誌例也

尚書職方郎中分司南京歐陽公墓誌銘

右誌序末書世系自得姓始歷叙其由漢而唐以至高曾三代甚詳而遠者蓋兄子自銘其叔父故尤謹其家世也又一例也

尚書虞部員外郎尹公墓誌銘

右誌特書母氏封同韓文江南西道觀察使太原王公誌例也

贈尚書度支員外郎張君墓誌銘

右誌特書母氏封同虞部員外郎尹公誌例也姓見銘詩中同韓文唐故朝散大夫越州刺史薛公誌例也

徂徠先生墓誌銘

右誌書妻而不書氏畧也先生非隱者其仕嘗位于朝矣而題不書其官者以先生魯人之所尊故因其所居之山以配其有德之稱德重于其官也不書姓姓有不待書也

不書姓謂題不書姓序固云姓石氏也

尹師魯墓誌銘

書先生字者之稱而天下共與之也不官官所重也不姓不待姓而書也

此与梅聖俞皆朋友書字之義且位不副德官不具稱也

右誌不書族出以嘗銘其父之墓而已詳之也卒不日畧也題不書官以其名重當世天下之人識與不識皆稱之曰師魯故也又一例也

梅聖俞墓誌銘

右誌首叙其病死之詳重其交游之盛也特書兩母封氏又一例也題不書官以字書武夫貴戚兒童野叟皆能道其名字同尹師魯誌例也

太子中舍人王君墓誌銘

右誌卒不日畧也詳于叙其子之好學有成也世系歷官壽年見銘詩中同韓文施先生銘例也

南陽主簿黃君墓誌銘

右誌首書亡友以表之同柳文亡友獨孤君碣例而稍變也

河南府司錄張君墓誌銘

右誌題下書曰山東道節度使掌書記知伊陽縣事天水尹洙撰而序末書云渤海歐陽修為之銘又張君改葬墓碣亦曰河南尹師魯誌其墓廬陵歐陽修為之銘則此誌序乃洙為之銘則公為之也兩人共為一誌又一例也

南陽縣君謝氏墓誌銘

此一人為誌一人為銘之例

書封書以而不書夫官本意因夫人之例而變也

右誌不書諱同韓文息國夫人誌例也書其兄以時之聞人同韓文國子司業竇公誌例也

長安郡太君盧氏墓誌銘

右誌不書諱同南陽縣君誌例也專論五福而夫
人之履歷具焉又一例也銘辭嚴書葬日葬地
而不詩又一例也

李夫人墓誌銘

右誌不書諱同南陽縣君謝氏誌例也

右監門衛將軍夫人李氏墓誌銘

右誌不書夫姓宗室也

河南府司錄張君墓碣

右碣為其改葬而作他無所述獨叙其久故之情
而致感歎之意者以嘗銘其墓也又一例也無
銘詩非畧也蓋雖曰碣實表也又一例也

母鄭夫人石槨銘

右石槨有銘又一例也書作槨之日而系以銘又
一例也

胡先生墓表

右表畧其族出官邑履歷者重在叙其尊師道立
教法以成人才同柳文陸文通先生表例也題

書夫官不書夫姓
宗室不待書也

不書夫人

書石槨凡銘題之所有
而墓志之所無也
蓋槨也

不書官以天下後世尊先生者不在其官同徂
徠先生誌例也

石曼卿墓表

右表其序不書葬日而書既卒至葬之日數又一
例也其表無所叙述而皆議論感歎之辭同韓
文滎陽鄭公碑例也題不書官以其自顧者重
官不足以稱之同張子野誌例也

連處士墓表

右表不書壽年卒不日不書妻畧也重其以一布
衣終于家而鄉里之人久復思之故致詳于其
德履也

瀧岡阡表

右表其先君之墓道也而題以地書變例以致其
尊也嚴書立表之歲月朔日甲子重之也詳書
已之勲階官爵封號食邑所以著先德之所致
也亦皆變例也

守太尉文正王公神道碑銘

右碑首謹詳奉勅之辭而後序次其事賜碑之正
例也詳書賜號階官勲爵食邑贈謚于叙事之
首以其所終者始之所以侈其榮同韓文劉統

簡法

書其處士

軍碑例也

鎮安軍節度使同中書門下平章事贈太師中書令程公神道碑銘

右碑首謹詳奉勅之辭而後叙次其事同王文正公碑例也

觀文殿大學士行兵部尚書西京畱守贈司空兼侍中晏公神道碑銘

右碑首謹詳奉勅之辭而後叙次其事同王文正公碑例也

資政殿學士戶部侍郎文正范公神道碑銘

右碑不書姓名門也世次官爵皆不書書其繫天下國家之大者又一例也

太子太師致仕贈司空兼侍中文惠陳公神道碑銘

右碑題書贈官而序不書序書封爵而題不書又一例也詳書兄弟之官同韓文國子司業竇公誌例也三代贈封皆以公恩今書其爵土階官而不曰贈又一例也

袁州宜春縣令贈太師中書令兼尚書令冀國公程公神道碑銘

右碑無大功德可書故歷叙其因子而累贈之官

書子贈仍繫原官

書僧塔例

明因大師塔記

右記為浮屠氏作也而無一語及其法者此誌浮屠之正例也卒不日葬不日畧也按唐三家墓銘無書生年日者柳文東明張先生誌雖書生天寶而不著其年此書生年又一例也

尹河南文七首

墓誌銘七首

故宣德郎守大理寺丞累贈司封員外郎皮公墓誌銘

右誌書國子贈官不曰贈某官而曰得以某官告

其第又一例也

故贈祕書丞左君墓誌銘

右誌書贈官不曰贈某官而曰追命為某官又一例也書其妻追封不曰追封而曰以某封告第

同故宣德郎皮公誌例也

故將仕郎守瀛州樂壽縣尉任君墓誌銘

右誌銘不以詩而論禮以識過期不葬且辯君之葬不在所譏同韓文滎陽鄭公碑例也

故金紫光祿大夫檢校右散騎常侍降授右一作左監門衛將

軍持節集使持節惠州諸軍事惠州刺史兼御史大夫輕車都尉

書贈官不書在官重贈也

書贈

師

書檢校書持節書
無官

已詳於題則字可略
也

官清勳爵無所不書
又冠之以賜号備國制
也

隴西郡開國侯食邑一千七百戶李公墓誌銘

右誌題書階官勳封食邑甚詳而序多畧同李文

唐故橫海軍節度贈右僕射傅公碑例也

故推誠保德功臣金紫光祿大夫守太子少傅致仕上柱

國天水郡開國公食邑四千二百戶實封集食實封一千戶趙公

墓誌銘

右誌不書葬日而書自卒至葬之日數同歐文石

曼卿表例也題書賜號階官勳封食邑甚詳而

序多畧同降授右監門衛將軍李公誌例也

故大中大夫尚書屯田郎中分司西京上柱國王公墓誌

銘

右誌書葬地曰葬某所不從于先君用卜吉也又

一例也題書階勳而序畧同降授右監門衛將

軍李公誌例也銘不以詩而論一論上有斷字以望之同

故將仕郎任君誌例也

故三班奉職尹府君墓誌銘

右誌銘辭嚴書葬地而不以詩同歐文長安郡太

君盧氏誌例也

曾南豐文一十八首

墓誌銘一十五首 神道碑銘二首

塔銘一首

試祕書省校書郎李君墓誌銘

右誌書其先則詳其世系而叙其歷代之顯人書其後則及于曾玄而叙其四世之蕃衍此正例之尤備者也

虞部郎中戚公墓誌銘

右誌議論以發其端而致感嘆一作慨之意者以著其家世學行之美同柳文陸文通先生誌例也前既叙其二世父子兄弟之出處矣後復詳其氏之自出與其鄉里之遷徙焉又一例也

張久中

一作文仲誤

墓誌銘

右誌書未娶一此下有不日未娶四字而叙其所以未娶之故而未娶見焉又一例也

胡君墓誌銘

右誌卒不日葬不日不書壽年畧也而書其生之年同歐文明因大師塔記例也

劉伯聲墓誌銘

右誌詳其性資問學而畧其履歷者重在叙其久故之情也題不書官官不稱其學而字重于其官同韓文柳子厚誌例也

殿中丞監揚州稅徐君墓誌銘

右誌詳叙其所自出者所以著盛衰之不可常而深致感歎之意也又一例也

王容季墓誌銘

右誌書母之父顯也同韓文京兆韋氏夫人誌例也詳書其諸兄以其皆有才學同韓文國子司業竇君誌例也

都官員外郎胥君墓誌銘

右誌書其子乞銘云祕閣校理裴煜以茂謹之疏來請銘按唐三家及歐尹書乞銘皆曰以狀而此曰以疏雖紀實又一例也

光祿寺丞通判太平州吳君墓誌銘

右誌首云龍圖閣直學士給事中吳仲庶具一作其書載其子業官世行治屬余曰吾子某不克壽不得見其志希得銘信後世則某其不泯泯尚足以慰吾思也按唐三家及歐尹墓銘無書其父具載子之官世行治乞銘者此雖紀實又一例也

壽安縣君錢氏墓誌銘

右誌首叙其夫自處之高者所以著君之能相之

散官帶職內外無書國制存焉耳

此例正於墓碑

也不書諱同韓文息國夫人誌例也

永安縣君謝氏墓誌銘

右誌不書葬日而書既卒至葬之日數同歐文石

曼卿表例也

永興尉章佑妻夫人張氏墓誌銘

右誌題書其夫之名同韓文緱氏主簿唐克妻盧

氏誌例也

江都縣主簿王君夫人曾氏墓誌

右誌不書諱同壽安縣君錢氏誌例也葬不日無

銘詩畧也

亡妻宜興縣君文柔晁氏墓誌銘

右誌題書文柔晁氏按唐三家及歐尹墓銘書法

無以字冠于氏者此冠氏以字變例也誌婦人

而題書其字又一例也

二女墓誌銘

右誌無銘詩畧也

太子賓客致仕陳公神道碑銘

右碑叙事而書其辭曰云云同韓文施先生銘例

也

刑部郎中張府君神道碑

書妻又書夫人

夫姓婦姓並書之

冠字於氏特舉初例也

書二女統辭也同葬不別志也

右碑銘不以詩而論以歎美之同韓文滎陽鄭公碑例也

寶月大師塔銘

右銘為浮屠氏作也而畧無一語及其法者同歐文明因大師塔記也

王荆公文三十三首

墓誌銘二十四首

墓表四首

神道碑銘五首

尚書

集無尚書二字

度支郎中葛公墓誌銘

右誌叙履歷既總舉所閱

一作歷

之官以綱之矣叙政

業又各舉所居之職以目之同柳文故叔父府

君墓版例也壽年以甲子書又一例也

王逢原墓誌銘

右誌論之詳者美其行之修

一作備

而足以有功于世

也叙之畧者蓋悲其年之短而他有所不足書也

又一例也書葬日而不書卒日非畧也自葬日

而以所計九十三日逆推之卒日自見同柳文

宗直殯誌例也書子而曰妻方娠未知其子之

男女雖紀實又一例也

王深父墓誌銘

雖兄弟無不書姓

右誌論詳序畧同王逢原誌例也題不書官仕非其志也又一例也

節度推官陳君墓誌

右誌議論以發其端而致感歎之意者深惜其有材與志而無其年同柳文陸文通先生墓表例也不詳其履歷非所重也

叔父臨川王君墓誌銘

右誌書父而不書諱

集云余叔父諱師錫字某而云書父而不書諱未詳

畧也詳叙

其為善而不得職所以深致一作其悲也又一例也

雖升父書君又書姓皆後世之詞也
據碑之書其父皆曰君碣石君諸碑可證

贈光祿少卿趙君墓誌銘

右誌書死節之綱于首而後詳其履歷先所重也又一例也

都官郎中致仕周公墓誌銘

右誌卒不日葬書年而不日畧也

屯田員外郎邵君墓誌銘

右誌書母氏因事也卒不日不書壽年畧也

金溪吳君墓誌

右誌書子不書妻或未娶也不然同韓文柳子厚

誌例也諱字世系

一作諱字氏系又作諱氏字系

見銘詩中同韓文

書姓冠以地

施先生銘例也

太常博士曾公墓誌銘

右誌卒不日葬不日畧也書生年同歐文明因大師塔記例也銘不以詩而論以足序意同尹文故將仕郎任君誌例也

胡君墓誌銘

右誌書生年同太常博士曾公誌例也不書妻或未娶也不然同金溪吳君誌例也壽年見銘詩中亦同吳君誌例也

尚書度支員外郎郭君集作墓誌銘

右誌特書母氏封同韓文太原王公誌例也世系見銘詩中同金溪吳君誌例也

孔處士墓誌銘

右誌叙其有致仕官矣有贈官矣而題書處士同李文處士侯君誌例也

祕閣校理王平甫墓誌

右誌書母封因事也無銘詩畧也

泰州海陵縣主簿許君墓誌銘

右誌卒不日畧也

馬漢臣墓誌集墓誌銘

書官更書字

專書姓

右誌不書壽年而云冠五年矣則壽年可知也又

一例也葬月一作日誤而不日不書妻子無銘詩畧也

謝景回墓誌

右誌書卒不曰卒曰終而曰棄世又一例也

廣西轉運使李君墓誌銘

右誌書葬地而曰君所自為壽藏按唐三家及歐

尹曾墓誌無書壽藏者此雖紀實又一例也

虞部郎中晁君墓誌銘

右誌序畧銘詳同韓文法曹盧府君夫人苗氏誌

例也而此銘尤詳又同劉統軍碑例也

東京提點刑獄陸君墓誌銘

右誌序畧銘詳同虞部郎中晁君誌例也

楚國太夫人陳氏墓誌銘

右誌不書諱同韓文息國夫人誌例也書夫人子

女不繫夫人而曰公子公女公壻又一例也

永嘉縣太君陳氏墓誌銘

集永嘉縣君案夫王逢無子不當稱太

右誌不書諱同楚國太夫人陳氏誌例也

宋右千牛衛將軍仲焉故妻永嘉縣君武氏墓誌銘

右誌不書夫姓宗室也書卒曰棄世同謝景回誌

例也序書某官某之妻故某封某氏題書某官

某故妻某封某氏一以故繫封一以故繫妻義
 雖不殊自成兩例也按唐三家及歐尹曾誌婦
 人無書某人故妻者而此書之又一例也題書
 其夫之名同韓文緱氏簿唐克妻盧氏誌例也

金華縣君

集題云太常博士楊君夫人金華縣君云云

吳氏墓誌銘

右誌不書諱同楚國太夫人陳氏誌例也書其夫

之壽年葬日又一例也

寶文閣待制常公墓表

右表不書諱不書字不詳履歷而議論以終篇又
 一例也

處士征

本作徵避仁宗嫌名改為征

君墓表

右表叙德履而并其同志之友二人者叙之又一
 例也

長安縣太君墓表

集作長安縣太君王氏墓誌止仲當據舊本作表不敢改也

右表不書諱同楚國太夫人陳氏誌例也書君十
 四而嫁五十一而老五十六而卒按唐三家及
 歐尹曾墓誌無書老者此書之又一例也題不
 書姓兄為表也

外祖母黃夫人墓表

右表不書諱同楚國太夫人陳氏誌例也不書族

書封不書姓

書所稱增

出畧也

虞部郎中贈衛尉卿李公神道碑

右碑首書贈誥之辭所以榮君之慶施也又一例也

檢校太尉贈侍中正惠一作忠馬公神道碑

右碑首詳書賜號官階勲爵邑謚同韓文劉統軍碑例也

司農卿分司南京陳公神道碑

右碑書履歷而曰官終于司農卿而所更某官某官任終于知陳州而所歷某任某任皆綱而目之同度支郎中葛公誌例也書世系于序末而尤詳于銘詩中又一例也

贈司空兼侍中文元賈魏公神道碑

右碑序端不書世系而遠譜畧見于序末又一例也按韓文神道碑皆首書世系其不書者清邊郡王碑而已此豈亦是例歟

宋翰林侍讀學士知許州軍州事梅公神道碑

右碑序畧銘詳同韓文劉統軍碑例也

蘇文忠公文九首

墓誌銘五首

神道碑四首

書贈無書語又書

書特贈非故事也

墓銘身例

卷二

六

宣徽南院使致仕特贈司空文定張公墓誌銘

右誌稱天子之大德而論其所以致太平而得賢才者以發其端然後叙次其事又一例也特書三代妣不以妣書而繫其夫書曰娶又一例也書女已嫁而復歸雖紀實又一例也

銀青光祿大夫滕公墓誌銘

右誌首書始對帝問輒進直言所以著公之見用以正也銘詩所叙詳在被讒所以惜公之所有不得盡施也二者皆公生平之大而首末謹書之雖立言之法亦一例也

王子立墓誌銘

右誌不書姓畧也書子曰有遺腹裔紀實也同王文王逢原誌例也

陸道士一無墓誌銘士字

右誌不書族出不書葬日畧也詳于論其丹學也

李太師墓集有誌字銘

右有銘無序同韓文試大理評事胡君銘例也

司馬溫公神道碑

右碑首叙信順尚賢三德以贊頌天子母后之聖所以重公之賢也次叙婦人孺子夷狄姦邪亦

書信而已略也

書道士

此与李太師皆用曾成王例

墓銘身例

卷二

九

皆仰公之德化所以實公之賢也既又叙公既葬之後人之哀慕祠祀者四方遠近皆然能致乎此公之一誠而已又推公所以爲賢之本也三者雖叙公之賢實繫國家之大政故特詳之然後叙次其事同文定張公誌例也謹詳奉勅之辭同歐文文正王公碑例也

富鄭公神道碑

右碑序景德盟後虜人不敢盜邊者三十有九年慶歷聘後北方無事者四十有八年百年之間所以四方晏然以休養生息而致太平之盛者先則寇公之功後實公之功也公方進用之初固已任其大者如此故首書之然後叙次其事同文定張公誌例也謹詳奉勅之辭同司馬溫公碑例也

趙清獻公神道碑

右碑叙國家善于用人是非明辨賞罰必信而天子穆然無爲坐收成效此爲治之至要也而公與有功焉故首書之而後叙次其事同文定張公誌例也謹詳奉勅之辭同司馬溫公碑例也太子少師致仕謚康靖趙公神道碑

右碑叙國家有天下六聖一心用仁尚德守之不
 變此宋興百二十有五年四方又安民物忻戴
 自漢以來太平之盛未之有者由當時公卿大
 臣類多長者相與輔相之所致也而公其一人
 焉故首書之然後叙次其事同文定張公誌例
 也

朱文公文二十首

墓誌銘七首

墓碣銘二首

墓記二首

壙記二首

埋銘一首

墓表四首

神道碑二首

端明殿學士黃公墓誌銘

右誌書贈官不曰贈某官而曰詔以某官告其第

同尹文故宣德郎皮公誌例也

承務郎李公墓誌銘

右誌首書其致仕誥命之辭同王文贈衛尉卿李

公碑例也

陳師德墓誌銘

右誌議論以發其端而著科場之弊者所以深歎
 夫聖賢修己治人之方國家禮義廉恥之教不

行同柳文陸文通先生表例也

劉十九府君墓誌銘

右誌不書姓名門也題書其第又一例也

直顯謨閣潘公墓誌銘

右誌詳書妻之氏諱與字雖妻同葬又一例也

郭得誼墓誌銘

右誌序畧銘詳同韓文盧府君夫人苗氏誌例也

銘皆贊美之辭無所叙述同韓文盧渾誌例也

潘氏婦墓誌銘

右誌題書潘氏婦按唐三家及歐尹曾王蘇婦人

誌題有書某氏妻者矣無書某氏婦者此蓋雖

夫請銘而主于舅也又一例也

篤行趙君彥遠墓碣銘

右碣書生年同歐文明因塔記例也題揭其德以

表之又一例也而不書官德重于其一無其字官也又

一例也按唐三家及歐尹曾王蘇墓銘非賜

碑則撰文製題皆出一手無別製題者此云福

國陳公大書其碣之首曰皇宋篤行趙君彥遠

之墓而子某使人奉狀請銘而刻諸一作于下方則

撰文製題出兩人矣又一例也

書次特例也以其者儒而名門也故十九府君云也

祇書今官簡也

書婦舅王喪也

表其德特例也既表其德官可略也

司農寺丞翁君墓碣銘

右碣叙君守正不阿而以智全趙氏天下莫不高其誼慕其名而想見其為一無為字人此平生之大節也故首書之而後叙次其事同蘇文文定張公誌例也既書調某官以母喪不赴又書以少母喪去官所謂少母蓋其生母也而因事見之同李文兵部侍郎贈工部尚書武公誌例也

劉樞密墓記

右記詳書其生之年月日時又一例也題書墓記同柳文章夫人墳記例也

范直閣墓記

右記詳書其生之年月日時同劉樞密記例也生年不書甲子而書釋歲釋歲謂元默敦詳上章執徐是也卒年亦然又一例也題書葬當作墓記同劉樞密記例也

知縣何公壙記

右記書其生之年月日同劉樞密墓記而稍畧也一作題書壙記同韓文女孥壙銘例也

亡嗣子壙記

右題書壙記同知縣何公記例也

如已埋銘

書墓

書壙記

書亡嗣子壙繼嗣也不名同柳姓女子例也

書名書埋

右銘無序同韓文試大理評事胡君銘例也題書埋銘又一例也

屏山先生劉公墓表

右表有銘詩則雖云墓表實墓誌銘也題不書官同歐文徂徠先生誌例也

程君正恩墓表

右表議論以發其端而致感歎之意者傷其為學能擇能行而無年以死不得見其德業之所成就同陳師德誌例也葬不日畧也

曹立之墓表

右表葬不日畧也表後有系又一例也

韓溪翁程君墓表

右表題書其所自號者揭之又一例也

朝議大夫致仕贈光祿大夫黃公神道碑

右碑叙宣和之末弄臣竊柄建取燕雲之策而公固已有先見之憂已而果召非常之變京城陷沒眾皆俛首奉賊公獨感憤移檄致事而去雖不數日竟以病卒然祖宗所以涵養斯人至深且遠者乃于公少見遺餘也故首書之而後叙次其事同司農寺丞翁君碣例也不書諱與字

書地書姓示不官重也

書自號

同王文寶文閣待制常公表例也

龍圖閣直學士吳公神道碑

右碑書贈官不曰贈某官而曰有司以某官告其

第同端明殿學士黃公誌例也

右宋文六家凡一百九首六十八例

宋人製題義例不嚴然其間亦有受古開新者足以備不得已之營處云

墓銘舉例卷之二終



墓銘舉例卷之三

長洲 王 行 止 仲

墓銘書法既舉韓文爲之例而取李柳歐尹曾王蘇朱八家之文廣之矣復因閱諸文集值有可爲例者或一或二隨而舉之而輒實之又所以廣九家之例也以所錄先後爲次不以其^{一無}人之先後爲次者所值不可預期而錄之蓋未有^{一無}已也^{其字}

陳后山三首

墓銘一首

墓誌銘一首

墓表一首

魏嘉州墓銘

右銘詳書其世胄所自與其遷徙之次者重其族
 之大同韓文河南尹杜君誌例也既詳書兩母
 之氏封矣又特書所生之氏封焉按九家之例
 有因事見人生母者無特書所生者也而此書
 之以其有封也又一例也

仲父榮州資官縣尉陳君墓誌銘

右誌書妻曰娶某氏不終故其葬不祔所謂不終
 蓋離婚耳按九家之例書妻無著離婚意者此
 雖紀實又一例也

宋魏府君墓表

右表篇末之論議譏薄祭厚葬之非其說是已及
 詆夫求文表墓者乃曰韓退之為銘文數十去
 今幾時穹石偉畫一作書顧無存者而其人之事功
 奕奕在人心目如今日事是以知金石之不足
 恃也然則金石不足恃如固足恃矣而以為非
 者蓋欲揚其意反抑其辭以激之耳后山好竒
 故其文如此

實例

魏嘉州墓銘

冠以代意以為一代之人也

魏氏望鉅鹿自漢兗州刺史衡之曾孫始居魏之館陶五

世而至鄭公辨毅慈明為唐宗臣館陶之魏始大甲于國

譜又五世而至司徒暮暮一本皆之子別居歛之婺源其後

四世而至尚書禮部侍郎諱羽為太宗真宗三司使十有

八年而生龍圖閣直學士諱瓘一作珪見微致集作著大功昭南邦

以吏部侍郎歸老下蔡葬壽春八公山下仍父子贈太尉

在名世之數別為下蔡之魏太尉兩娶刁氏有子十一人

君乃一作其第十子也諱紹字承集作奉之仕為將作監主簿嘗知

虞城縣禁捕博而盜止畱守下其法焉勾當合流鎮歲大

飢君歎曰朝請而夕報亦不及矣振廩出以下佈集作估而後

聞旁近賴之通判絳州行州事新廟學具師徒士故沉浮

俗間檄縣諭出之講試以時君與其屬過焉後以右一無右字朝

散郎知嘉州自唐開元獻荔子而今樂用朱桑人始病之

久而微矣不給其求而刑者眾嘉祐中有良守哀之作二

詩刻石以諷君將行要貴多求者既至摹其石詩以報黠

賈奪人鹽井更數守訟不決君刑而還之君孝友慎和而

不受私居無子弟過出有吏能嘗有勞再登格而賞不及

君亦不自言也紹聖元年二月癸未卒年五十七明年二

月甲子從葬壽春兩母並封榮崇集崇榮二國夫人而所生何

氏別封旌德縣太君娶李氏左金吾衛大將軍忠吉集作告之

女封壽安縣君三子男汝女嫁蔡州助教刁寶臣濠州參軍晁載之將葬君夫人曰葬有銘君之行治不可不書也使晁載之具其事曰君常調不及用循職而已毋異也既具合宗而謀曰其誰銘晁婦曰其陳氏乎不則沒吾父矣晁載之曰士求銘于陳氏辭者屢矣吾所見也求可冀乎其婦曰盍索其辭以固請乎於是汶來及余于潁水之上以請晁與余交又與俱來其何辭銘曰 魏氏再顯惟其有繼有作有承以有其位再登公師有子之致君伏不興亦保其世健為之政不侮不畏更四十年良有其二事惟其常亦何以異夫人之云銘則不愧

仲父榮

一作榮下同

州資官縣尉陳君墓誌銘

仲父諱某字某先大父為懷州有相者過之使視諸子謂君不宜仕慶歷中君以任一作仕下君非不仕同為試秘書省校書郎調

榮之資官尉不赴京兆之鄆臨潼主簿舉監環之折博務皆不終謂君非不任特不宜耳何妙一作少邪然則形骨可以

知其貴賤氣色可以知其休咎而荀子非之何也元豐幾年年五十有幾而卒有一子曰師中三女嫁李某邵敏修

張某敏修今為臨淄

一作童

主簿建中靖國元年五月某日叔

父前崑山丞珣葬于彭城呂柵之大塋君娶解氏光祿卿程之女亦不終故其葬不祔銘曰 婚宦不卒則歸之天

如何不淑又不得年兄弟之懷葬從先人歸安其居宜爾子孫

宋魏府君墓表

君諱宗一作崇訥字景仁彭城安德里人治平幾年東人飢天

子出使賑業之募民出粟而賜以官君於是為州助教其

先累富父齊為洋州司理參軍娶胡氏有五男子君以季

少任事矜恤內外敬士而親緩急叩門不以事辭有報者

未嘗不辭也凡貸而後則倍期而不倍息或損之曰人一

而吾二爾何損凡質不問當不一作否惟其所欲有來以篋使

自驗而不發或疑焉曰雖妄何憚且一失而不復人必不

為也及疾屬其子于母兄以學度有集無有字不可償與償而後

者皆焚其券後其兄病胡夫人復行之人談之至今君以

熙寧三年八月甲子卒年三十有三娶高氏一男四女紹

聖五年七月甲子其子滌謀于其宗自大父而下與君凡

幾柩別葬于大彭鄉之新城村滌舉進士方質謹厚不談

人之短有談者弗應至巨惡人所唾罵一歎而已家雖貧

不苟受將葬宗不共其費或問之曰葬吾責也使不問集作同

吾且專之而况有助乎余由是與之遊始一作始葬欲余銘而

不敢請既聞而哀之昔阮思曠有好車人欲以葬而難之

思曠曰車而使人憚借何以為也遂焚之思曠之車與人

共之猶以為難則余之色辭拒者多矣於是申以叙之使陳諸墓古者葬以死祭以生謂鬼有知而尸無知也故不封而廟後之人薄祭而厚葬既封殖之而又識之既掩諸幽而又揭于道既守之子孫而又以累人真集作其為不朽極矣雖然韓退之為銘文數十去今幾時穹石偉畫一作書顧無存者而其人之事功奕奕在人心目如今日事是以知金石之不足恃也今魏氏欲顯其親而必余之述豈不悖哉元符元年九月辛亥東里陳師道撰

黃山谷文二首

墓誌銘一首

墓誌一首

瀘南詩老史君墓誌銘

右誌書三代而二代皆書其所自號按前例并續例無書父祖之自號者此書之又一例也書題而以世所推之號冠之從推之者之志同歐文徂徠先生誌例也

黃氏二室墓誌

右誌書二夫人歿後庭堅始得男曰相他日當使相乞文于余友而刻之隧按前例并續例無誌妻而書其卒後得子者蓋妻既卒而得子必後娶所生不繫于先妻故不書也而此書之必微

書其自號也
者多其能也

書黃氏女子重所
歸也書二室間
也所以簡者詳
者於日也

出者微出則母先妻而書之禮也又一例也題書二室墓誌雖紀實亦一例也

實例

瀘南詩老史君墓誌銘

維史氏遠有世序自唐尚書吏部侍郎嚴從一作後僖宗入蜀

生德言為山南東道觀察支使因不能歸占籍于耆山生

光庭孟氏時試大理寺一無寺字評事知應霧一作靈縣應霧生著

明嘉州軍事推官嘉州生溥生溥一作主簿見蜀之亂遂不出仕號

江陽隱君江陽生回能詩自號知非子知非生宗簡名能

知人善料事自號天和子天和子實生詩老詩老諱扶字

翊正少則篤學能詩紹知非之業以貧干試于耆州又干

試于開封府皆見絀乃遊瀘州杜門讀書士大夫之子弟

多委束脩於門遂老于瀘州一無州字妻子或謁不足君熙熙然

曰會當有足時自守挺然不妄取與有挾勢利而求交者

雖鄰不覲也其見刺史縣令鞠躬也未嘗有私謁既晚暮

不及仕進閑居無一日廢書尤刻意于詩登臨樽酒率嘗

吐佳句壓其坐人故士君子推之曰詩老云夫人楊氏生

二子銳鎮一女嫁進士王庸繼室杜氏生四子鑄銅鎬銓

君卒以紹聖三年四月某甲子享年若干葬以元符二年

正月癸亥其兆在瀘川一作州之上白茅蕭之原自天和而上

皆葬睢山而葬瀘川一作州自君始鎮有文行瀘州學者宗之
竭力大事而來請銘之銘曰人皆汲汲仰掇俯拾商財
計級脅肩求入君獨徐徐書耕筆鋤我躬則懼我心則腴
緼袍後先藜藿當一作不肉哦詩滿屋金革匏竹瀘川洋洋樅
栝其岡勒銘詔藏其嗣之昌

黃氏二室墓誌

豫章黃庭堅之初室曰蘭溪縣君孫氏故龍圖閣直學士
高郵孫公覺莘老之女年十八歸黃氏能執婦道其居室
相保惠教誨有遷善改過之美家人短長不入庭堅之耳
如是時庭堅爲葉縣尉貧甚蘭溪安之未嘗求索于外家

不幸年二十而卒殯于葉縣者二十有二年繼室曰介休
縣君謝氏故朝散大夫南陽謝公景初師厚之女年二十
歸黃氏閑于禮義事先夫人愛敬不倦侍疾嘗藥不解衣
至于復常修禪學定而不廢女工能爲詩而弟妹不知也
言有宮庭行有防表不皦不污長少咸安懷一無懷字之年三十

六而卒生一女曰睦纔四歲過時而先夫人哭之哀殯于
大名者十一年元祐六年先夫人捐館乃克歸二夫人之
骨于雙井八年二月從先夫人葬焉同宮而異槨一作昨庭
堅年十七從舅氏李公擇學于淮南始識孫公得聞言行
之要啟廸勸獎使知嚮道之方者孫公爲多孫公憐其少

立一作至故以蘭谿歸之及庭堅失蘭谿數年謝公方為介休
 擇對見庭堅詩曰吾得婚如是足矣庭堅因往一作詩求之然
 庭堅之詩卒從謝公得句法嗚呼如蘭谿之女美介休之
 婦德皆室家之則也常欲以楚辭哭之而哀不能成文
 夫人平生常恨無男二夫人沒後庭堅始得男曰相他日
 當使相乞文于余友而刻之隧以哀其終

陳了齋文七首

墓誌銘四首

墓誌一首

埋銘一首

墓識一首

李景温墓誌

右誌書為郁擇所宜娶得將樂楊氏中立先生之

女蓋郁其子所娶其子婦也按前例并續例無

書子婦者而此書之然非正書也亦因上事而

推一作繼其意以書之耳雖似帥不可以為帥也

中奉大夫游公墓誌銘

右銘序稱居士而題書所贈之官書官雖以榮君

之寵亦紀實也又一例也

陳謹常墓誌

右誌書鄉邑姓名卒日葬地之外例所當書

者皆不書惟叙其遠來之情病死之故以深致

銘序止稱居士故標其官於額中

一作著其悲感末則致辭以喻慰焉雖類夫韓文盧渾墓銘然又一例也

太令人黃氏墓誌銘

右誌書所歸曰先適大中大夫孫公諱迪次適中奉大夫游公諱潜書子曰子男三人諤為孫氏子按前例及續例誌婦人無書再適者今書兩適故必著其先適之子焉雖紀實又一例也

仁壽縣君高氏墓誌銘

右誌書女適某官姓某再適某官姓某按前例并續例無書女再適者而此書之雖紀實又一例也

此再適之女以其母書李德之妻以其父書也

也

侍郎鄒公埋銘

右銘序所歷官而不書行治畧也按前例并續例誌人之墓而無銘者必有感歎或議論或悲悼唁慰之辭此皆無之惟結以某官陳某叙次一語亦畧例中之一例也題書埋銘同朱文公女已埋銘例但彼銘而不序此序而無銘又一例也

尚書豐公墓識

右識序所歷官而不書行治無他辭惟結以某官

識与志字通無異義

陳某叙次一語同鄒公埋銘例也題書墓識又一例也

實例

李景温墓誌銘

景温諱庭姓李氏景温其字也世為邵武軍光澤縣人大
理評事諱鐸之孫惠州河源縣主簿諱詔一作紹之子也大理
公初欲教其子讀書游舉而以資給未饒為患於是治產
積儲商而通之達百貨于中都以其贏餘買書以歸未幾
火焚居第大理公方宿田廬或報之亟問曰書燬乎曰惟
書在爾及還家喜語諸子曰書在足矣子誥以業儒起家

官至太常博士河源公薦于鄉數黜禮部因語所親曰從

仕治生勢不可兼自先大理

一本大理下有公字

以來蓄少施多舊資

浸耗祿不可以力干我當盡力于一家爾由是一於幹蠱

出入不避寒暑而阡陌增廣使官者學者益加一作皆優裕得

以養廉自重太博公有三子其二登科而河源公晚沾恩

命得子亦晚然景温天資謹厚父母曰孝兄曰弟朋友信

之其自飭甚

一無甚字

嚴雖責于人者薄而皆忌憚隨流品酬酢

各盡其情有不可其意者面救

一作數

其失而去無後言其人

皆畏而不怨燕居默坐終日無懈惰

一無惰字

容動止有常者舊

推與子弟之觀型

一作行

而化者多矣知其隱德而服其不見

于事者非特其鄉人也景溫娶同郡葉氏屯田員外郎誼之女無子以其兄之子郁爲後初余仲妹歸太博公之仲子叔平生四子郁其季也郁三歲時景溫請于叔平曰先太博公與河源公同產相親愛今或子孫蕃衍或繼嗣未立欲以阿郁爲請忍拒之乎叔平曰我子猶汝子也汝齒尙未壯無乃太早計一下有平字後十有七年叔平閒居海陵景溫復以書請曰齒之未壯者髮今白矣既老且獨兄不念前語乎一無平字叔平覽書惻然即報之曰以郁爲汝後叔平善教子郁有知識文行景溫家習和肅夫婦相待如賓爲郁擇所宜娶得將樂楊氏中立先生時之女郁既承顏率禮

婦亦謹職順助一門之內雍雍如也里居與季兄濬飲酒賦詩游處必偕既而孟兄勉倦官而歸兄弟聚集方相娛樂而景溫逝矣仲兄深叔平也叔平當官不苟所至必詢考民情爲之興利除疾當路者以是知之仕浸顯矣崇寧初坐元符末上書邪一本缺此字等自京西提舉官削籍投竄凡四年始得叙復自便平生喜辨論而恥于苟隨其愛景溫尤厚景溫宣和元年三月丁未以疾卒于正寢享年五十有九子惟郁一人孫曰延孫嗟夫景溫可壽可達而天嗇其年老得一官訖無所施設雖里居之樂怡然自足而亦不得久享使世之爲善者將孰視而勸乎可悲也已郁將

以宣和二年七月辛酉葬景温于光澤西鄉歸仁里夏壇之原前葬遣人來南康請銘夫景温躬行之美化被一鄉發揚之助亦何俟于銘哉若夫隱德身教在其子孫者未遽白也今雖鬱後必通顯亦當祇懼以需爾銘曰 嗚呼景温有執一本親有常嚴取與于一介泯毀譽而韜光彼競我恬然足以藏使其達而克施化詎一作豈止于一鄉休休焉終身一作守不易矯矯乎君子之強齋此以沒雖天不亡

中奉大夫游公墓誌銘

居士諱潜字升叔家建州建陽之唐石里累世爲名族居士少敏慧風力過人遇事無所屈早喪母竭力事父鄉人

皆推其孝性樂善無媚嫉聞人嘉慶如在已終日言不及人之過惡有盜聚劫過居士之門相戒以勿譁且呼于道曰母怖母怖里俗親歿即分財析居居士畢喪且十年猶不忍與兄弟異食居士居家嚴整以身教其子弟二子舉進士中第酢試太學錄居士攜酢之官京居數年親舊至者皆館焉俸薄用窘居士約身從儉以率一作治其家惟恐不足爲親舊歡也酢除太常博士命下辭得知西京河清縣二年命再下就職未幾復請外官簽書興德軍節度判官廳公事初酢將欲求外補先請于居士居士曰士行其志出入適宜無不可者我何容心乎兄之子醇爲廣西機宜

卒居士聞訃哭之過哀日夜以其兄為憂即分先疇歲入以助其生未幾居士得疾卒于齊州之官舍紹聖二年三月己未也享年六十有六夫人黃氏有令德生二子醉今為朝散大夫提點成都府長生觀驛出繼為南康軍司理參軍勛之後自高郵尉解官奔齊州與其兄扶居士匱以歸今為奉議郎提轄淮南路直達綱孫男八人擢文林郎洪州司兵曹事餘皆幼女孫三人以紹聖四年三月辛酉葬于石唐里之松原前葬居士長子定夫以承事郎江汝舟一作汝所述行狀屬銘于某某一本皆以遷葬南北不暇叙述今蒙恩自便憩于九江蓋自紹聖下丑迄今政和丁酉

二十有一年居士之墓木拱矣而定夫仕不加顯所以奉承先訓磨勵素守久益著也光揚德美其要在是奚復假于衰憊之言乎辭不獲已愧不足以助發揮也居士自定夫登朝累贈至中奉大夫銘曰 閭里推孝盜不忍譁人與其誠善積于家言無枝葉誨子以身斥聞取遠惟是之循子官學省再求補外得請于廷動吉無悔捨彼所爭我實訓之取彼所棄恪守弗違白首未行不貳以俟歿而彌彰慶在有子

陳謹常墓誌

延平善士陳之顏字謹常卒于鬱林葬于合浦慈恩寺之

東初崇寧二年二月丁自袁州移竄廉州是年三月過潭
 州興化寺五月過合浦就拘囚于城中之顏自鄉里遠來
 見其叔祖之幽一作憂辱窮餓貨米于鬱林得十斛寄合浦其
 書曰米至公可餬口之顏病恐不得歸又半月僕挈其骨
 以還予方病瘴癘一慟失聲因成痺眩不能再哭慈恩在
 城外不得親臨其穴葬之日遙望而默告之曰汝萬里遠
 來有意收一作也吾骨今誰委乎使汝客死瘴鄉不得歸見老
 母者由汝叔祖汝叔祖觸禍至深理不生還汝其安穴以
 待終當與吾骨並遊于海一作以歸生死命也壽夭數也先後時
 也汝其毋憾

侍郎鄒公埋銘

鄒公諱浩字志完世為杭州錢塘人祖霖故任尚書都官
 郎中徙居常州晉陵今為常州晉陵人父戩故任廣濟軍
 錄事參軍贈朝奉郎公元豐五年中進士第調蘇州吳縣
 主簿未赴改除揚州州學教授移雄州防禦推官知安州
 孝感縣事未赴改除潁昌府府學教授元祐七年除太學
 博士明年用御史來之邵言為襄州州學教授紹聖三年
 丁朝奉憂服除改宣德郎元符元年也哲宗召對除右正
 言明年九月以言事除名勒停羈管新州今上即位復宣
 德郎添監袁州酒稅除右正言遷左正言左司諫起居舍

人明年除通直郎中書舍人賜三品服差同修神宗國

史遷吏部侍一無郎賜對衣金帶是年遇南郊恩奏補仲弟

洞為假承務郎請免脩國史乞閑局改兵部侍郎遂乞外

補除寶文閣侍制武騎尉文安縣開國男食邑三百戶知

江寧府尋改知杭州未赴責授衡州別駕永州安置明年

正月除名勒停昭州居住崇寧四年冬移漢陽軍居住五

年復承奉郎遂歸常州大觀元年用寶赦轉宣義郎四年

特一作時復直龍圖閣公自嶺表還親側凡六年而瘴癘歲作

今年春大病遂不起政和元年三月九日也享年五十有

二母張氏封安康郡太君夫人沈氏蓬萊縣君子男二人

曰柄曰杻一無以今年十一月初二日葬公于常州晉陵

縣之德澤鄉林莊原祖考之兆從公志也叙復宣德郎陳

某叙次

尚書豐公墓識

公姓豐氏諱稷字相之明州鄞縣人嘉祐四年中進士第

歷亳州蒙城縣真州六合縣主簿襄州穀城縣令越州會

稽縣丞熙寧十年安公燾使高麗辟公為書狀官還特改

著作佐郎除知開封府封丘縣元豐二年召對除太子中

允權一作推監察御史裏行改通直郎除秘書省著作佐郎守

尚書吏部員外郎 嫌請外補除利州路提點刑獄轉承

議郎除尚書工部外郎殿中侍御史右司諫轉朝奉郎
除國子司業起居舍人太常少卿國子祭酒轉左朝散郎
哲宗幸太學講尚書賜金紫自祭酒兼侍講除尚書刑部
侍郎充北朝國信使還除集賢殿學士知潁州知一無江寧
府紹聖二年除龍圖閣待制知廣州未行除吏部侍郎求
外補待請待請一作侍讀除龍圖閣待制以朝散郎知河南府知鄆
州知成德軍轉朝請郎知潁昌府知應天府知湖州知杭
州轉朝奉大夫今上即位覃恩轉朝散大夫以諫議大夫
召轉御史中丞除工部尚書兼侍讀遷禮部尚書涂樞密
直學士知蘇州除越州降充寶文閣待制知明州落寶文

閣待制知常州責授海州團練副使睦州安置道州別駕
台州居住除名勒停建州居住崇寧四年移婺州居住五
年特授朝散郎管勾亳州太清宮任便居住歸明州大觀
元年十二月戊戌薨于正寢壽七十有五公會祖衍祖表
皆不仕父祿贈中奉大夫母凌氏贈華原郡太君夫人李
氏贈大寧郡君繼室陳氏贈文安郡君男三人曰安常試
太學正曰太常壽州壽春縣主簿皆前卒曰希仁承奉郎
女二人長適朝散郎監潁昌府合流鎮藺中謹次適奉議
郎郭壽孫男曰濟登仕郎遼州遼山縣尉曰治承奉郎曰
渙曰漸尚幼孫女一人適承奉郎西京宗子博士張琪曾

孫男女五人希仁得迷罔之疾不能當大事濟自遼山去官承重而歸與其弟治以三年十二月甲申葬公于鄞縣通遠鄉金谷里鋏山與之原叙復宣德郎陳某叙次

晁濟北文四首

墓誌銘四首

□□朝請一作散大夫致仕陳君墓誌銘

右誌書自出云父光祿大夫前夫人賈氏永年縣君後夫人潘氏安福縣君而君寧國縣太君賀氏出也書歷官云調寧國軍節度推官遭安福憂則君既仕後母尚無恙所謂寧國太君蓋其生母以子而貴者也而因事書之同李文兵部侍郎武公誌例也

黃君墓誌銘

右誌書祖父而不書諱書卒而不書日書孫而不書妻子畧也重在叙其不嗜利而能出穀救人不用術而知致富有命也

李氏墓誌銘

右誌不書卒日非畧也書自卒至葬不以月計而曰歿後四百六十八日某年某月某日祔於某山舅某官某諱之兆同歐文石曼卿墓表例而

少變也彼則因卒日而順數可得葬之日此則因葬日而逆推可得卒之日同柳文宗直殯誌例也

闕氏墓誌銘

右誌書邑里而不書世系不書嫁而書入不書祔于夫而書近夫之故兆是蓋微者為其子而銘也又一例也

實例

朝請大夫致仕陳君墓誌銘

君姓陳氏諱知和字德時按其譜博州人也六世祖翔唐

末從事成都府王建有異志翔屢沮之廢居閬州之西水孟昶以蜀歸曾祖諱省華始來自蜀為祥符人仕本朝為左諫議大夫有能聲贈太師尚書令兼中書令秦國公秦公生三子皆以儒學擢高第位將相有勲勞于國樞密使尚書右僕射同中書門下平章事贈太師尚書令兼中書令英國公謚文忠諱堯叟君祖也英公生尚書都官郎中贈金紫光祿大夫諱師古光祿生君光祿前夫人賈氏永年縣君後夫人潘氏安福縣君而君寧國縣君賀氏出也光祿當任子以與其族人而君從祖太尉康肅公方觀察宿州任君右班殿 又長知書嘆曰吾家世如此吾父教

我以學何如而吾可用此進耶乃上書願易所得官從左
選仁宗嘉其意且以其文忠後從之初調河陽節度推官
事四守梁適李淑張觀蘇紳皆當時顯人其趣操不必同
而君介然若一四人者皆賢之再調寧國軍節度推官竄
卒誘耕民剽里中卒殺人民從旁止之傷而免守欲并論
民死君爭之力守怒而入君立廡下不去守悟爲讞諸朝
民果不死遭安福憂免喪擢衛尉丞知硤石縣事縣當陝
衝卒苦于役作偽印帖隱民間前令比獲以要賞君一日
執六人且嘗度關法應死既不忍以要賞見其厄然誠苦
于役者爲移文所從來無他過取偽印帖焚之還其役戍

兵道縣中羣博犯法邏者執于庭數百人譟一作縣門且奪

之吏趣閉門君徐出坐堂下一作命開門衆莫敢入因陽叱

邏者解縱之既行密疏其名河南府皆正其罪改僉書彰

德軍節度判官事未行遭寧國憂免喪遷大理丞知緱氏

縣事英宗即位遷右贊善大夫昭陵採石聚兵緱氏城中

萬人倉無儲粟而輸者未至君度不可竢報乃下令借富

人停粟約與之息匿者沒官令出而辦比輸者至則兵仰

食縣者十五日矣事已旁縣吏皆遷而君不自言賞亦不

及遷殿中丞又遷國子博士通判果州事神宗即位遷尙

書虞部員外郎賜五品服還朝用薦監左藏庫不就通判

趙州事遷比部員郎曾孝寬察訪河北奏君偕行朝廷方議省郡縣寬力役吏希旨爭言可省而乾寧保定順安三軍在議中俾君往視還書沿邊城犬牙相制以利守禦而便轉輸此祖宗深意不可改朝廷然之爲不廢三軍中人程昉建言徙漳河洛州一作川下同使者以君權知洛州董其事漳河役大昉欺朝廷以易集務減人徒人徒以故怨之百餘人燒民廬爲暴君盡捕得誅其始謀者八人事且畢會新守至君還趙州昉以君爲暴其短乃歸功新守而君亦不辯也丞相王公安石雅知君可用使人諭君歛故難治而朝廷方行法欲以倚君君不得辭擢知歙州事遷駕部員外郎自以不能當執政意至則求閒局差管勾嵩山崇福宮民上書願畱者以千數房州地僻守屢以賦敗又擢知房州事郡阻山城西有溪所從來高望之洶洶在城上舊有堤圯不治餘三十年君議增築不欲調民乃以術招竄卒廩之益以州兵凡用工萬高其舊丈二尺而廣如之人初以爲煩會明年溪大漲得堤而定人乃服君奏課京西第一遷虞部郎中擢知泗州事郡當水衝屬霖潦君度淮汲洙泗滿必大下因預爲守城備水至浸城且壞吏倉卒不知所爲而君規畫素定語吏如此如此城既無虞而民賴以活萬計旨獎諭擢提點廣南東路刑獄事改

朝奉大夫番禺南粵都會守俸月七萬守方對詔獄君攝
州事竟八月當得錢六十萬君不取曰我豈緣人不幸而
自樂耶宴賓客爲徹樂其忠厚如此遷朝散大夫盜起梅
州去治所更四郡君以爲道驛而往恐後乃自南雄州絕
山倍道崎嶇茅竹間蒙霧得疾幾殆後良愈因求上印紱
時方六十一今上即位遷朝請大夫賜三品服勲上柱國
爲人清慎退約不干權貴善與人交自以無怨惡于人明
白立斷所至民愛之善楷隸喜爲詩既謝事作燕譽堂于
第之西北隅蓋以訓辭名之日從賓客飲酒談笑其間以
疾卒壽六十有四元祐二年五月丁巳也夫人鄭氏安居
縣君男曰适寧鄉縣尉逾鄭州司戶適臨河主簿女長適
朝散郎潘行次適通直郎王鎮次適道州錄事楚竹一作冲次
適宣德郎周昕幼在室孫男七人諸孤以君卒之明年七
月壬申葬于河南府密縣義臺鄉之武泰岡來求銘銘曰
仕可以藉其世而公不賴之進可以遇合而公不競之
時未可以去也而公去之事取其先得取其後名處其薄
功處其厚造物者報其天不報其人其人不亡在其後之
子孫

闕氏墓誌銘

闕氏開封人年十七入故太子洗馬贈銀青光祿大夫濮

陽杜侯家生四男四女年七十七以元祐元年八月丁亥
卒以其年九月癸酉葬于濮州鄆城縣青山里之原近侯
之故兆也初侯捐館舍闕氏奉其家事恪如侯不亡而教
其男女以職內外有法度故季子宣德郎刪定省曹一作寺
監條貫于民遂以文學中進士第有聲而女亦爲士妻宜
其家曰劉龜年馬希閔二壻也三男及女蚤卒而有孫七
人皆宣德之子績縮緇紱緬緝網可謂盛矣宣德既仕當
塗大夫稱其材而所與遊又多一時知名士族人亦咸謂
洗馬有子以爲榮而宣德君曰吾何以得之維一作雅吾母教
使然也嗚呼是足一作可銘也已銘曰 善教子以有祿生無
悔從吉卜

墓銘舉例卷之三終

墓銘舉例卷之四

長洲王行止仲

張宛丘文三首

墓誌三首

王仲孺墓誌

右誌諱字鄉邑妻子見銘詩中同韓文施先生銘例也歷官爲政序綱而銘目之又一例也

華陰楊君墓誌

右誌書子曰遺腹同王文王逢原誌例也遠系畧見于序末同王文贈司空兼侍中文元賈魏公

碑例也無銘詩畧也

符夫人墓誌

右誌不書諱同韓文息國夫人誌例也書祖曾而不書諱畧也而諱其夫之父祖同柳文伯祖妣李夫人誌例也書卒而不書日亦一無亦字畧也

實例

王仲孺墓誌

河南王雯者齒少篤于自修好學而能文余聞之而未見也紹聖四年余以罪戾謫官齊安一日有客墨衰造門視其謁雯也見余則泣而言曰先君與子舊矣雯不幸既孤

將葬而無辭以刻先君之墓敢以是屬之子某曰余嘗見朝奉君子京師其深者某之陋所不敢知而其粗與夫衆所譽者竊聞之矣不曰篤恭好學而廉儉者歟敏于爲吏愛民徇公直已不撓于權者歟然其人厚于實而薄于名豐內而廉一作齋外世之君子未必知之余嘗辱聞焉則屬銘于余固宜謹取其爵里行事叙之曰君曾祖諱恪西頭供奉官祖諱淮越州諸暨主簿贈太常博士考諱起尚書屯田員外郎秘閣校理贈左中大夫君初補太廟齋郎調陝府湖城縣尉又爲澠池安邑二縣主簿河中府猗氏縣令改宣德郎監解州鹽池兼知縣覃恩遷一作進通直郎賜五品

服知孟州温

一作恩

縣遷奉議郎加武騎尉管勾京北排岸司

遷承議郎加雲騎尉監京米倉遷朝奉郎知德州加飛騎

尉紹聖三年五月二十六日棄于官享年五十以某年某

月某日受奉君之喪葬于河南府某縣某鄉某原以夫人

楊氏李氏祔焉銘曰君諱仲孺時中其字世河南人河

清其里以蔭筮仕湖城是尉湖廢官罷留君一歲實維相

逢從湖民意其在安邑涌水于野邑人走祠君鞭而罷後

令猗氏有愛其民既去十年見之如親實其耆老以謂子

孫民居侵遠使者議毀君紵其苛一道是賴安邑賈鹽民

富悍豪君教之學獎禮其髦孝秀聿興鄙悖茲消西民饑

師履產輸泉君力弛之鰥寡用安令温治盜曰姑安之勿

浚其姦吏逸民嬉盜悔而耕厥壤大滋邑豪坐獄重賂而

逸君以竒購唾手則一作而獲君之去温其民涕留耆老百千

聲言于朝惟河内温邑聯部異河内有請假君決事後守

德州河溢而驚羈一作羈民流殍所活萬數伍長驕悍其將笞

之長以衆逃斥將之疵君謂長叛首寘一作置于罪貸將不問

境為無事一時持權爭欲用君勉之比周君為不聞云胡

不淑五十而債君凡三娶皆有婦道粵初楊氏其父曰慥

一作慥繼李父周學士集賢今夫人陳姻黨稱焉劉時張闕又

楊克一作竟中婚其三子惟德之同君三男子惟雯在耳進士

登科甚飭而藝陶牙之原鬱乎松楸乘者下之君子之正

華陰楊君墓誌

華陰楊景從予遊數為予道其叔父君之賢曰叔父始好讀書博通絕人而其意嘗狹儒生思立武功竒節人亦以是與之兩舉進士罷去不得志客江湖久之無所知名時獨遊山澤間飲酒悲吟泣下未嘗語人其意而人亦莫能測其何為者熙寧六年朝廷出軍治辰州諸蠻景之先人朝奉君從軍以君從行師克懿洽城主將李浩請君招未附者君大喜匹馬懷檄入其穴一夕報命得降者數百人俱來明年築懿洽

集此上有為字

沅州帥謝麟竒君才畱館之君為

麟畫攻守策甚衆未及用而麟罷君亦去明年君卒夫人符氏遺腹產一男子元祐四年某月某日景始獲迓君之喪葬于蘇州某縣某鄉吾叔少孤教養于先兄恂恂如也其死且三十五年矣天窮而人厄之有至是也夫子曰是固無怪彼其悲歌泣下至匹馬入敵輒大喜此其所欲誠集作非易售者窮固其所君諱某字某曾祖某官祖某官考某官世華陰人蓋漢太尉震後云

符夫人墓誌

夫人符氏南海番禺人曾祖祖為布衣考臻虔州司法一作戶參軍年二十嫁故大理寺丞陳君世則寺丞參知政事諱

恕之孫贈金紫光祿大夫諱執禮之子夫人歸陳氏陳氏

族素貴夫人起寒家以禮奉順莫或敢以貴臨之寺丞君

宦坎珂家徒四壁集此下有立字夫人安之内外忘其貧性寬仁無

怨惡撫異出子如已子子男四人鼎鼐鼐孫四人鼎與

予同學宛正時鼎叔為郡要官而鼎刻苦自同諸生窮

冬積雪塞塞集作寒坐一室杜門諷誦不輟予竊賢之而考其淵

源固已知其親之賢也今年冬鼎以書來云夫人沒矣將

葬于池州青山之南原而屬予銘狀其行事如此其不誣

已夫人年七十其葬實紹聖三年正月己酉銘曰 自微

嬪貴儼弗陵從夫于艱順以承考終同穴如平生子孝而

賢以有銘

呂成公文三首

墓誌銘三首

林安之墓誌銘

右誌不書族出不書妻子畧也重在叙其學之篤

而哀其年之短也叙其師為之請銘雖紀實又

一例也

金華汪仲儀母王氏墓誌銘

右誌議論以發其端而著譜學婚議實相為用者

所以見汪王之婚族望稱而情義通同柳文陸

大書其母者以其子獲書也

文通先生表例也題書某郡某人母某氏又一例也

金華時涇母陳氏墓誌銘

右誌議論以發其端而致感歎之意者所以著葬師之說不可信而夫人之識合乎禮同金華汪仲儀母王氏誌例也題書某郡某人母某氏亦同金華汪仲儀母王氏誌例也

實例

林安之墓誌銘

自予與永嘉陳君舉傅良遊每道其學者林安之居實不去口歲在壬辰安之始來婺相與其學其冬以病歸間二年復自溫來會甚瘠且憊形貌非復昔人而志愈強識愈明其學亦非復昔人也予憂喜參半別去餘月君舉以書訃曰噫安之死矣哀甚不能執筆其爲我銘之蓋安之之爲人隆于師友一日不見則一無則字愴然若有所亡至其合堂同席心融意洽身之休戚年之早暮鄉閭之遠若近皆不暇知病益侵尚講貫繹繹不休獻款者納忠者代之憂者動之以危語悲辭者日交于前安之蓋自如也士而有志于學者蓋鮮亦既有其志矣怵焉輒移撓焉輒止莫大于死生莫切于疾病疴痛之賊其肌膚及是而猶不舍業使

墓銘舉例 卷四 六
老其志庸可限其所至耶安之以淳熙二年十月十九日
卒是歲十二月二十日其父母葬之于其鄉年實三十四
銘曰 若是而不可謂之成耶彼佻達者竟何成也若是
而可謂之成耶夫豈自以爲成也哀哉

金華汪仲儀母王氏墓誌銘

譜學姻議

一作
誼

不相爲謀而相爲用昔者氏族之學嘗行矣

南有王謝北有崔盧品第甲乙聘娶一失其班則俗以爲
大恥放乎末流乃或挾以相市于是氏族乃爲婚姻病及
其既衰則又混爲一區由卑援高者厥咎僭厥罰常辱厥
妖婦乘夫由高耦卑者厥咎貪厥罰常驕厥妖夫虐婦眠

鄉者之患未知其孰先後也以吾觀于州閭之嫁娶不外
慕不遠求族望既稱情義亦通宜于家而蕃其後者當必
由之尙氏族者誠若是亦何負于世乎言金華之閭閻者
汪與王爲顯姓夫人受氏于王出適于汪汪王之睦有自
來矣蓋予所謂族望稱而情義通者也自初盟饋訖于終
勤儉自律未嘗裋服治容內外親以窶謁者隨多寡及之
曰彼以親親之道來空行空返吾惡焉聊以致吾心耳其
誨諸子則曰汝曹第專意經史毋以貨敗一作
販爾志婢妾童
奴拊循一以和厚條理家事方有緒而夫人則死矣壽甫
五十一實乾道九年十二月一作
一月癸未葬以淳熙元年八月

甲申其鄉惠日其原九里曾祖本贈宣教郎祖登承議郎
 累贈特進考師方夫曰浩子曰仲儀仲儼仲侃仲偁仲僖
 女六長以疾在室次適曹著次適曹莊次適時伯茂餘未
 行時氏婦後夫人七月亦卒孫男四仲儀嘗從予遊先葬
 請識乃銘之曰 鈞其匹燕其宗相其原安其宮

金華時湮母陳氏墓誌銘

大司徒以本俗六安萬民初一曰媿宮室次二曰族墳墓
 是維死生之大紀三代相傳而不變者也居焉而父子有
 秩兆焉而昭穆有班竒衰譎怪之說未嘗出于其間斯民
 之生老壽死蕃祉繫族以宗名官以氏至于千百年而不

替王政既息舉立封竈窆之柄委之巫史妖誕相承誘怵

並作民始忍以啜粥飲水之時起射名干利之望窀穸所

卜畔經一作遠祖度越疆畛一作孤峙數舍之外服降屬疏蓋

有樵牧不禁者矣甚者兄弟忿鬪或謂是山于伯獨吉或

謂是水于季獨凶狐疑相伏暴其親之遺骨而不可掩是

可哀也已學士大夫慨然尚論先王之制則世共譁以為

遠于人情予獨于陳氏夫人之葬有感焉夫人生一作于壺

幃之中組紉是習饁饋是共未嘗親接儒先之餘論也病

革屬其子曰必祔我先舅之旁毋深徇葬師以拂我志遂

改位于舅墓之東曰楊塢然則墳墓之族實人情之至願

當巫史紛若之際猶有不讀周官暗與之合者禮豈強人者哉故予樂道夫人之事而論次之夫人諱瓌曾祖某祖某父某男四女一孫男二時氏金華巨一作右族舅沒姑老夫人以冢婦傳家闔門千指無違言每與其夫語必曰先舅無恙時賓禮髦一作士課讀諸孫為如何君主其外我主其內毋使一事減于舊可也其子見里有藏書者歸而有羨色夫人出簪珥直數十萬俾為僦工費且曰吾家非窮空也特欲異日汝曹見此書不忘吾此意耳夫人歿後諸子為予誦一作言之輒涕下不能禁庶幾有成其志者銘曰葬書五車重拆軸徽祥畏譏墓不族淑哉夫人見何獨續息畱言毋遠卜有欲踵之求其躅皇舅之原原在麓

墓銘舉例補闕

唐故銀青光祿大夫檢校左散騎常侍兼右金吾衛大將軍贈工部尚書太原郡公神道碑文

右碑姓見銘詩中同越州刺史薛公誌例也題書官封而不書姓同贈太尉許國公碑例也

清邊郡王楊公神道碑

右碑不書姓畧也詳書兩妻之父祖同昭武校尉李公誌例也凡神道碑首必詳書其世系重

不姓不誦

其所自出也而此畧之先世蓋可知也一作矣

唐故中散大夫少府監胡良公墓神道碑

右碑卒不日畧也 凡墓碑題書神道則不書墓

字而此書之莆田方氏以為亦一無亦字變例也

右三文繼韓文後

韓文凡四殿中少監馬君誌太學博士李君誌

貝州司法參軍李君誌南陽樊紹述誌李文凡

一處士侯君誌柳文凡五故襄陽丞趙君誌覃

季子銘故御史周君碣續榮澤尉周君誌與此

表也題不書官而書先生同韓文貞曜先生誌

例也

右柳文

憶崇禎末年館西城王氏甫里許人華至攜示

古今謚法及金石例二書予所未有急手錄之

錄未半遭湖兵為患避兵者匝月比適館則二

書烏有矣中怏怏逾三十餘年偶過鄭桐菴先

生言及金石例輒出之笥中覺與前本微異假

歸重錄別為一帙復從汲古閣借得墓銘舉例

又錄一本與謚法合三既喜夙願得完更增別

本尤爲快意庶幾酌古準今于昔人之著有所
攷據無滋疑謬云 癸丑秋九月望後六日耿
菴漫識時年七十有二

墓銘舉例四卷長洲王行止仲編先以唐韓退
之李習之柳子厚次以宋歐陽永叔尹師魯曾
子固王介甫蘇子瞻陳無已黃魯直陳瑩中晁
无咎張文潛朱元晦呂伯恭凡一十五家之文
舉以爲例足以續蒼厓潘氏金石例而補其闕
矣是書未見雕本抄自無錫秦氏竊意墓銘莫
盛于東漢鄱陽洪氏所輯隸釋隸續其文其銘
體例匪一宜用止仲之法舉而臚列之惜乎予
老矣不能爲也康熙丙戌立秋日秀水朱彞尊
書

余少爲同里先輩孫莪山先生所知謬託忘年
過從談藝一日先生以書一冊示余曰此東吳
王止仲墓銘舉例也每見近人碑版之文漫無
法式得此乃知文章非苟作者余受而讀之爲
錄一通藏于篋衍者有年矣第轉寫之書訛闕
頗多嘗欲校刊行世而一行作吏鞅掌風塵未
暇及也今年冬于吳中藏書家借金孝章手錄

本與錢牧齋家藏本三者合校又取韓柳歐蘇
十餘家文集參互訂正訛者刊之闕者補之疑
者兩存以備考而是書始稱完善既卒業臨潼
張君喆士請授梓乃以畀之長夜展閱回憶與
先生把酒京師抵掌論文屈指四十餘年恍如
昨日定書向無刻本今得與潘黃二書彙爲三
例以並傳而成先生嘉惠後學之意竊以自慰
潘例有至正五年雕板黃例取諸南雷文定畧
爲讎校是役也元和惠君定宇華亭沈君學子
暨張君與有勞焉雅雨山人再書于揚州之官

梅亭

墓銘舉例卷之四終

缺也

書合葬例

婦人從夫故誌合葬者其題只書某官某公墓誌銘或墓表未有書暨配某氏也張說為蕭灌神道碑云南城侯之夫人同刻碑銘其題贈吏部尚書蕭公神道碑其妻韋氏書事實於內題則不列楊炯為王義童神道碑其子師本陪葬亦不別為標題自唐至元皆無夫婦同列者此當起于近世王慎中集中如處士陳東莊公暨配黎氏墓表蓋不一而足也

婦女誌例

婦女之志以夫爵冠之如某官夫人某氏或某官某人妻某氏庾信陳子昂張說獨孤及皆然若子著名則以子爵冠之如柳子厚為王叔文母誌書戶部侍郎王公先太夫人河間劉氏婦人後夫而死者其葬書祔葬權德輿集中宏農楊氏河東縣君柳氏博陵縣君崔氏皆如此例

書名例

碑志之作當直書其名字而東漢諸銘載其先代多只書官唐宋名人文集所志往往只稱君諱某字某使其後至於無考為可惜

稱呼例

今制婦人夫与上同有官許其品高者就則志亦宜依誌初書之

者舊稱存君唐例也
漢八碑版則不然

倪元鎮稱其妻為
姪照存君見集中

韓集題小墓碑銘

通篇皆序誌末無銘
辭而題謂之銘

各位著者稱公。各位雖著同輩以下稱君者舊則稱府君
昌黎集中有董府君獨孤府君張府君衛府君盧府君韓
府君有文名者稱先生如昌黎之稱施先生貞曜先生皇
甫湜之稱昌黎韓先生友人則稱字如昌黎之于李元賓
樊紹述張孝權元姚牧菴稱趙提刑夫人為楊君則變例
也

墓誌無銘例

墓誌而無銘者蓋叙事即銘也昌黎張圓之誌云叙次其
族世名字事始終而銘曰云云蓋所謂誌銘者通一篇而
言之非以叙事屬志韻語屬銘猶如作賦者未有重曰亂

曰揔之是賦不可謂重是重亂是亂也故無銘者猶賦之
無重無亂者也正考甫之鼎銘云一命而僂再命而偃三
命而俯循墻而走亦莫敢余侮饘于是粥于是以餬余口
比干銅盤曰右林左泉後岡前道萬世之寧茲焉是保漢
滕公石銘曰佳城鬱鬱三千年見白日吁嗟滕公居此室
此有韻之銘也季札之喪孔子銘其墓曰嗚呼有吳延陵
季子之墓衛孔悝鼎銘曰六月丁亥公假于太廟公曰叔
舅乃祖莊叔左右成公成公乃命莊叔隨難于漢陽即宮
于宗周奔走無射啟右獻公獻公乃命成叔纂乃祖服乃
考文叔興舊者欲作率慶士躬恤衛國其勤公家夙夜不

懈民咸曰休哉公曰叔舅予女銘若纂乃考服悝拜稽首
曰對揚以辭之勤大命施于烝彝鼎此無韻之銘也古來
原有此兩樣墓表神道碑俱有銘有不銘

單銘例

叙事即在韻語中昌黎房使君鄭夫人殯表大理評事胡
君墓銘盧渾墓誌銘

○ 墓表例

墓表以其人之大畧而必傳世者不必細詳行事如唐文
通先生宋明道先生之表是也

歐文胡瑗石曼卿墓表皆不書子姓今制三品以上神道
碑四品以下墓表銘藏于幽室人不可見碑表施于墓上
以之示人雖碑表之名不同其實一也故墓表之書子姓
墓表之有銘不可謂非也自有墓表更無墓碣則墓表之
製方跌圓首可知矣故與碑分品級柳州稱神道表神道
與墓無品級之可分也

神道碑例

柳州葬令曰凡五品以上爲碑龜趺螭首降五品爲碣方
跌圓首此碑碣之分是凡言碑者即神道碑也後世則碣
亦謂之碑矣豈以神道二字重于墓乎地理家以東南爲
神道蘇瓌碑建于瑩北一十五里亦曰神道碑

此初唐時未足為例

宋孫何碑解云班固有泗亭長碑文蔡邕有郭有道陳太
丘碑文其文皆有序冠篇末則亂之以銘未嘗以碑為文
章之名也迨李翱為高愍女碑羅隱為三叔碑梅先生碑
則所謂序與銘皆混而不分集列其目亦不復曰文矣孰
甚焉今當如班蔡之作存序與銘通謂之文可也

一體

楊炯為成知禮神道碑其碑銘之後有系曰若楚詞別自
婦人妃主亦稱神道碑如張說和麗妃息國長公主李華
東光縣主楊綰郭汾陽夫人是也

行狀例

行狀為議謚而作與求志而作者其體稍異為謚者須將
謚法配之可不書婚娶子姓昌黎狀董晉亦書子姓柳州狀段太尉狀
柳渾是也為求文者昌黎之狀馬韓柳州之狀陳京白香
山之狀祖父是也

婦女行狀例

王魯齋曰衛公叔文子卒其子請謚于君曰日月有時將
葬矣請所以易其名者請謚之詞意者今世行狀之始也
自唐以來有官不應謚亦為行狀者將求名世之士為之
誌銘而行狀之本意始反矣觀昌黎廬陵東坡三集銘人
之墓最多而行狀共不過五篇而婦人不為也又知婦人

之不為行狀之意亦明矣。按江淹為宋建太妃周氏行狀平王任昉裴野皆有婦人行狀，非婦人不為行狀也。

行述例

歐陽玄銘曾秀才云行述似翁所作，李昉魯翀作姚天樞神道碑云其子侃以公行實徵錄，歐陽發作事迹，此皆與行狀名異而實同也。今既有行實，又有行狀，無乃重出乎。

誄例

誄亦納于壙中，故柳州虞雀鳴誄云追列遺懿，求諸后土。誌銘亦可謂之誄，元鄭師山為洪頤墓誌銘云其門人俞溥狀其言行，俾為之誄以識其葬。

子孫為祖父行狀例

今人為其父行狀稱父之父為王父，王父之父稱為曾王父，曾王父之父稱為高王父，非也。稱謂當以父為主，故穆員狀父云高祖宏遠，曾祖固禮，祖思恭，考元休，未嘗以員之自稱易之。孫逖父銘，陳子昂父志，皆如之。

碑誌煩簡例

誌銘藏于壙中宜簡，神道碑立于墓上宜詳。然范仲淹為种世衡志數千餘言，韓維志程明道亦數千言，東坡范蜀公志五千餘言，唯昌黎煩簡得當。

先廟碑例

此二有例，無例者與前不書婚娶子姓語，相戾然亦不存。

漢碑則首詳於祖宗

先廟碑見於昌黎集中者皆叙立廟之由本其得姓之始祖功宗德而已至元則侈大其子孫於祖宗反畧焉先塋先德昭先等碑名雖不同其義一也宋景濂為單氏先塋碑銘云公之勲業不附先德之後何以白前人積累之深雖昧於造文之體不暇卹也當知碑先德而後子孫者非文之正體矣

書祖父例

世數似不當連身計算

蔡邕祖攜碑云攜字叔業曾祖父勲攜生稜稜生邕邕至勲連身六世故後漢邕傳稱勲為六世祖而唐穆員為其父誌高祖上一世則稱五代祖陳子昂志父墓五世祖太

此即臨文不詳書之名稱

樂生高祖方慶方慶生曾祖湯湯生祖通通生皇考辯柳州父神道表六代祖慶五代祖旦高祖楷蘇子美父誌亦然此嘗從後

范育吕和叔墓表稱曾祖為皇考祖為王考庾承宣為田布碑稱曾祖為王大父柳州柳府君墳前石表辭稱高祖王父曾祖王父祖王父

不書子婦例

女子重所歸故塚多書子婦例不書楊炯為曹通神道碑載子婦一人以其陪窆于塋內也裴抗為田承嗣神道碑載子婦二人以其為公主也而宋之黃裳誌夫人黃氏男

金石要例
三長曰淳娶孫氏次曰昱娶楊氏少曰延娶張氏楊慈湖
誌舒元質云生子五人曰鉞叔晦壻曰鉦娶袁氏曰銑簡
女女焉曰錯娶趙氏曰鏐叔和之壻也方大琮誌其父云
大輿娶溫陵趙奉直不劬之女大琫娶福唐林簡肅栗之
孫女大鏞娶薛左史元昇之孫女誌林景詵云男榮公聘
王氏誌徐母趙氏云子庭蘭娶俞料院某之孫女此外諸
家文集亦不多見至元而古法蕩然閩復廣平王碑元明
善淇陽王碑無不書子婦矣

子女不分書所出例

子女皆統于父。雖異母而不分書所出。在唐如權德輿誌

李巽三夫人四子不言某屬某氏楊綰作郭汾陽夫人神
道碑六子八女俱書夫人下在宋歐公誌蘇子美先娶鄭
氏後娶杜氏三子誌梅舜俞初娶謝氏再娶刁氏子男五
人女二人溫公誌呂獻可始娶張氏後娶時氏四子六女
荆公志葛源元配孫氏繼配盧氏三子一女誌蘇安世娶
葉氏又娶某氏子四人女子五人誌李宗辯男十五人女
十九人俱書夫人季氏下是皆以父為主不必分屬之母
此定例也然婦無別志即附見夫志之內者前後夫人不
妨分屬子女如昌黎碑楊燕奇夫人李氏有男四人女二
人後夫人雍氏有男一人女二人志昭武李公三娶元配

斟酌義例志銘表狀皆可
勿書而家傳官書也

金石要例
韋氏生子絃女貢次配崔氏生綽紹緒今夫人無子白樂天之志元微之穆員之志鄭叔則皆用此例迨元姚牧菴碑姚樞書子女某出某出虞伯生志牟應龍亦書某出張起岩狀張宏夫人趙氏姜氏二子元節趙出元里姜出此非古法之所有也

婦人誌書子女例

婦人之志非其所生者不書臨川誌曾易占子男六人畢鞏牟宰布肇女九人其志夫人吳氏子男三鞏牟宰女一妾不書例

婢妾所生之子書其子不書其母如昌黎志李邕云夫人

博陵崔氏七男三女邕爲澄城主簿其嫡激鄜城令放蒟城尉漢監察御史漣洸潘皆進士是崔氏所生只激一人其六人皆不書其母誌李惟簡云夫人崔氏公有四子長曰元孫次曰元質元立元本元立元本皆崔氏出其二子皆不書其母誌鄭君云初娶韋肇女生二女一男後娶李則女生一女二男其餘男二人女四人其餘者蓋婢妾所生故不書其母李定母仇氏王文公爲李閒誌書定于正室浩氏之下不書仇氏古例皆然至元而壞之劉敏中忠獻碑書妾李謙爲張文謙神道碑書側室姚牧菴阿力海涯碑書如夫人潘澤碑子希永他室李出蘇天爵高文貞

碑銘子男三人履恒麻夫人出益側室王氏出耶律有尙
碑子男五人長楷次樸次權皆伯德夫人出也次栝次檢
庶也宋景濂方愚菴墓版文稱妾為少房

不書子姓及妻例

周隋碑志多不書子姓并不書配其時夫婦各自為志故
不書至于合葬者夫人必書如庾子山之段永司馬裔柳
霞侯莫陳道生宇文顯和諸碑是也後來歐陽為石守道
志不書妻某氏子某名尹師魯亦不書子名有書子不書
妻周隋間多有之至唐如孫逖誌李暉獨孤及志姚子彥
皆然

單書嗣子例

周隋之碑單書嗣子未嘗人人而書也觀庾子山諸碑司
馬裔但書世子侃長孫儉但書墩等兄弟紇干宏但書世
子恭等崔詵但書世子洪度辛威但書世子永達段永但
書世子岌唐權文公為伊慎神道碑但書冢嗣餘書息男
十六人

書孫曾例

昌黎碑誌只書子女更無書孫者孫逖為杜義寬碑書孫
以表其墓權文公為王端碑書孫以其葬王父白樂天碑
崔孚書孫以其求文張曲江為呂處真書其孫女為李仁

瞻書其孫李廻秀為裴希惇書其孫皆以立碑故其他皆不書也至宋則皆書孫矣不特孫也且及于曾孫矣廬陵蘇明允誌書孫曾子固誌錢純老書孫東坡狀温公書孫子固誌沈率府子三人某某孫八人某某曾孫三人某某東坡范蜀公誌書曾孫女虞伯生碑張宏範書孫六人某官某曾孫十一人某官某

書孫壻例

葉水心臧氏誌書孫壻虞伯生狀董文用孫女十人長適某次適某某馬石田銘劉百戶孫女四人一適某一適某唐時孫壻不敢入碑志或列之碑陰與先友一例權文公之碑王光謙是也

書外甥例

王文公仁壽縣太君徐氏誌書外孫四十七人孫不宜分屬例

今世書孫又各於孫下系以某子所出爾雅曰男子謂姊妹之子為出公羊傳曰蓋舅出以鄆世子巫與魯襄公俱是莒外孫同所自出故凡言出者因母姓而云也今以出屬之于父不通甚矣且父在則孫俱屬之父不私為一己之有也

不書壻祖父例

此管以并爭故書非常例

分屬之例只宜家傳

非著名則不其故舊親戚亦中之婚姻別有所為曰事及之年

金石要例
女之所適但書壻之姓氏不當及壻之祖父也元明善誌袁夫人史氏書女長適宋相史莊肅公嵩之之孫似伯次適工部尚書余天任之孫昌期次適宋資政殿大學士史岩之之孫益伯以顯宦著名故變例書之蘇天爵志袁文清女四人其二人書適故觀文殿大學士趙某孫由錫適故相史忠定王豆孫公佺其二人書適同知袁州路總管府事趙孟貫適處州儒學錄余應榘二書祖父二不書者以著名不著名也然已為濫惡今世不論馬醫夏畦一槩書某某之子若孫某不知何謂也

書生卒年月日例

凡書生卒止書某年某月某日不書某時

書國號例

凡書出仕於前代稱其國號當代稱皇柳州柳渾陳京狀是也

書妻變例

張景妻唐氏再適宋祁載之

書女變例

韓文公三女其長女初適李漢改適樊宗懿誌書壻左拾遺李漢聳集賢校理樊宗懿次女許嫁陳氏三女未笄聳即壻之別名此皇甫持正變例也

塔銘例

柳州云凡葬大浮圖無窆穴其於用碑不宜然柳州之為浮圖碑多矣今釋氏之葬不曰碑銘而曰塔銘者猶存不宜用碑之義也

書僧臘例

今之為塔銘者于其終也書僧臘若干世壽若干因話錄云釋氏結夏隨其身之輕重以蠟為其人解夏之後以本身驗于蠟人輕則為妄想耗其氣血矣今作伏臘之臘失其義矣柳州書為僧凡若干年其壽若干或凡年若干為僧若干期

僧稱公例

凡僧稱某公皆以其名宋景濂塔銘可案也今乃以其字稱公此村野驅烏所為奈何文章家因之

寺碑例

宋景文筆記云碑者施于墓則下棺施于廟則繫牲古人因刻文其上今佛氏揭大石鏤文士大夫皆題曰碑銘何耶案儀禮碑在堂下三分庭之一當碑揖宗廟路寢庠序皆有碑所以識日景是不特繫牲而用也碑于釋氏無礙名義如王簡栖頭陀寺碑文其來已久矣

銘法例

唐諸家所銘浮屠有曰碑銘有曰塔銘蓋前之論斯增刻之碑則碑銘矣今泰西有閩之日無問月回部亦有四節三

祭統銘之義稱美而不稱惡此孝子孝孫之心也故昌黎云應銘法若不應銘法則不銘之矣以此寓褒貶于其間然昌黎之于子厚言少年勇於爲人不自貴重誌李干單書服秘藥一事以爲世戒誌李虛中亦書其以水銀爲黃金服之冀不死誌王適書其謾侯高事誌李道古言其薦妄人柳泌皆不掩所短非截然諛墓者也

論文管見

附

昌黎陳言之務去所謂陳言者每一題必有庸人思路共集之處纏繞筆端剝去一層方有至理可言猶如玉在璞中鑿開頑璞方始見玉不可認璞爲玉也不知者求之字句之間則必如曹成王碑乃謂之去陳言豈文從字順者爲昌黎之所不能去乎

言之不文不能行遠今人所習大概世俗之調無異吏胥之案牘旗亭之日歷即有議論叙事敝車羸馬終非鹵簿中物學文者須熟讀三史八家將平日一副家當盡行籍沒重新積聚竹頭木屑常談委事無不有來歷而後方可下筆顧儻父以世俗常見者爲清真反視此爲脂粉亦可笑也

作文雖不貴模倣然要使古今體式無不備于胸中始不爲大題目所壓倒有如女紅之花樣成都之錦自與三村

之越異其機軸今人見歐曾一二轉折自詫能文余嘗見小兒搏泥爲燒擊之石上鏗然有聲泥多者聲宏若以一丸爲之總使能響其聲幾何此古人所以讀萬卷也

叙事須有風韻不可擔板今人見此遂以爲小說家伎倆不觀晉書南北史列傳每寫一二無關係之事使其人之精神生動此頰上三毫也史遷伯夷孟子屈賈等傳俱以風韻勝其填尙書國策者稍覺擔板矣

文必本之六經始有根本唯劉向曾鞏多引經語至於韓歐融聖人之意而出之不必用經自然經術之文也近見巨子動將經文填塞以希經術去之遠矣

經術之氣南宋雖滿其
爲最又其轉歐之不可
以時代論也

文以理爲主然而情不至則亦理之郭廓耳廬陵之誌交友無不嗚咽子厚之言身世莫不悽愴郝陵川之處真州戴剡源之入故都其言皆能惻惻動人古今自有一種文章不可磨滅真是天若有情天亦老者而世不之堂堂之陣正正之旗皆以大文目之顧其中無可以移人之情者所謂剗然無物者也

作文不可倒却架子爲二氏之文須如堂上之人分別堂下臧否韓歐曾玉莫不皆然東坡稍稍放寬至於宋景濂其爲大浮屠塔銘和身倒入便非儒者氣象王元美爲章篔簹誌以刻工例之徵明伯虎太函傳查八十許以節俠抑

金石要例
又下矣

廬陵誌楊次公云其子不以銘屬他人而以屬修者以修言爲可信也然則銘之其可不信表薛宗道云後世立言者自疑於不信又惟恐不爲世之信也今之爲碑版者其有能信者乎而不信先自其子孫始子孫之不信先自其官爵贈謚始聊舉一事以例其餘如某主江西試以試策犯時忌削籍有無賴子高守謙結黨十餘人恐喝索賂某不應遂掠其資以去某尋死崇禎初昭雪死事者竄名其中得贈侍讀學士今其子孫乃言逆奄竊柄某抗疏糾叅幾至不測閣臣爲之救解已而理刑指揮高守謙等緹騎

逮訊某辯論侃侃被拷掠而斃崇禎初贈侍讀學士謚文忠脫空無一事實不知文忠之謚誰則爲之且并無賴之高守謙授以僞官真可笑也潘汝禎建逆奄祠於西湖某已臥病不能起奄敗遂有言某入祠不拜爲守祠奄人所挺因而致死以之入奏者今無不信之矣近見修志有無名子之子孫以其父祖入於文苑勃然不悅必欲入之儒林而止嗚呼人心如是文章一道所宜亟廢矣

所謂文者未有不寫其心之所明者也心苟未明劬勞憔悴於章句之間不過枝葉耳無所附之而生故古今來不必文人始有至文凡九流百家以其所明者沛然隨地湧

金石要例
出便是至文故使子美而談劍器必不能如公孫之波瀾
柳州而叙宮室必不能如梓人之曲盡此豈可強者哉

金石要例終

咸豐五年乙卯三月有書及稿未全石三例係嘉慶十二年樓霞郵經行翻刻本書中有圈點
肩上有批語多所訂正推原其始而裨益於本書者蓋不淺也此分丹黃二筆兩者不著名
筆跡似出一手有別字蓋又係他人度本不知原果出一人乎否亦語中已及姚姬使其人蓋不遠非
吾鄉也檇翁先生也筆意殊謹嚴近人中或嘉定毛中甫先生有焉不知果出誰手也圈點俱
用朱批洛二間以墨畫圈點亦及入此何各以真舊嚴摹俗匠僅手度其米葉批語具黃筆及
圈點俱屬八度之二十一日筆升能上海記於塘口舟次華身韓應陸
青蓮色筆姚檇翁先生本咸豐丙辰上月五日應陸手度





